

止齋先生文集

三

Centimetres
TIFFEN Color Control Patches

© The Tiffen Company, 2007

Blue

Cyan

Green

Yellow



Red



Magenta


White

3/Color

Black







止齋先生文集卷之十二

外制

正議大夫守給事中兼侍講充袁除禮部尚書兼侍

讀

四年正月十一日兼侍讀二詞併行除禮部尚書三月二十

教方朕在東宮時嘉與僚友切磋經誼緝熙光明肆以菲躬
託于兆人之上克奉詒謀庶幾寡過永懷三益宜如之何具
官某博極群書折衷六藝凡與我言者於今不忘也憫勞瑣
闕位之春官進讀路門以克餘論昔者甘盤輔高宗於舊勞
之時而無與於中興納誨之選至漢二蹠同傳太子而亦不
在初元疇功之詔我有故人始終典學視昔蓋有光焉爾其
輔養精神陳古以誠今惟母以謝事之年而有遐心則朕以
擇可

朝散郎試中書舍人兼皇子嘉王府翊善黃裳除給

事中兼侍講四年正月十一日兼侍講二日除給事三月二

教朕有元子出就外傳教求其人蓋累年於此矣晚得三益
聽教日間間嘗侍燕從容能道二南之化朕嘉其勞圖以自
近具官某習先聖之術而於當世之務凡與吾見切磋言
之者皆實學也且用擢之瑣闥勸講路門冀發其蘊并以
告朕昔四皓調護太子而不屈於高帝李泌以布衣交肅宗
而不能安其身於君側爾以西州之彥出入宮邸為父言慈
為子言孝是不謂之遭時乎尚其殫竭以報簡知可

降授朝散郎許及之前任淮東轉運判官不覺察
錢降一官滿一期復朝請郎

勅某官日者准錢多姦禁不以道有受其咎者矣爾其以同
過之仁而不言上亦從鐫秩非所謂吏議平閱日既久宜還
其初可

忠翊郎前韶州兵馬監押周昇在任不法降成忠郎
敕具官某爾為兵官而州家以佚繫囚未諭雖會恩不汝貸
也其鐫一階以警慢事可

文林郎階州將利縣令藺森改初驗因傷身死人社
十四作凍餓身死失出犯公罪答該赦取旨特降
資

敕具官某吏與吾民親莫如今爾尚不知其究死也而以為
道殣曾謂與吾民親乎其鐫一階毋以恩免可

保義郎李拱家遺火燒民屋四百餘間有司自來以
屋直計賊坐罪得旨宣諭依條聽贖臣僚上言持
降一官

敕具官某傳春秋者有人火之說則無所歸咎之辭也爾不
戒于大而禍及於閭巷將安咎乎尚爾闕略其上一官可

故通直郎趙公廣昨知饒州因旱歉民流臣寮奏追
兩宮勅停男老侯訴究特追復承議郎

敕具官某左右諸大夫之言朕知其不如國人也爾守番中
遭歲不淑能有惻隱之實而不為文具而達于朝聽者皆反
謬言者不置麗于佚罰而爾既賡恨於地下今觀闕郡連編
累績哭汝甚哀蓋棺論定莫公於此朕為惘然盡還舊官不
但慰汝亦以勸來者之勤民也可

江西運副鄭汝諧奏奉議郎知袁州黃助丁母憂不
肯離任信支棺櫬喪服官錢等候服闋日降一官不
得與親民差遣

敕具官某爾嘗將母以就二千石之養垂及滿歲竟以喪婦
漕臣見劾侵荼郡計姑鑄一秩俾務省循尚蓋前愆朕宜終
棄可

承節郎盱眙軍指使潘撫權淮河監渡不識降一官
放罷

敕具官某邊禁之嚴而弛於汝免官鑄秩以警後來邦憲有
常非我佚罰可

淮東運使趙師畢奏脩武郎張世榮管押歲弊訟路
恣橫生事降兩官送吏部與合入差遣

敕具官某發弊於邊事關遠聽紛譁不靖使者有言闕略弗
憊人將是儆其貶兩秩且屬銜曹庶使邊臣繼今知懼可

湖北提刑張垓奏承議郎常德府通判趙善宥在任
貪婪不法降一官放罷

敕具官某部使者所治且有良二千石焉爾丞郡顧不以治
行聞而速官誇詐朕所以獎用屬籍之意矣其貶一秩免所
居官繼今有耻亦免汝棄可

知成都府立密奏奉議郎知成都府郫縣郭公謩病昏幸誤降一官放罪

敕具官某夫不能勝其任矣而昏於酒贖於貨然而郡太守猶以為嘗有鄉曲之譽不實于理鑄秩免官吾亦從薄罰焉其對隆寬益思懲艾可

睿思殿祇候寄資武功大夫入內侍省東頭供奉官王師建轉歸吏部差在京官觀免奉朝請

敕具官某自以諸司使改今寄祿官而內侍典戎行雜矣然而名不在銓曹之籍則猶非秩官是則異焉耳轉而屬銓斯為寵渥閱勞朝謁極以真徇爾其敬哉母曰序進可

武功大夫祁州團練使入內侍省副都知李彥正武功大夫明州觀察使入內侍省押班楊舜卿職事不謹各降一官

敕具官某等朕惟周制內宰掌王內之政令會其屬之功事而賞罰之今內宰不設而爾等不虔于事實于宮中之罰其上—官應古經誼繼今有悛亦豈終奪可

李彥正楊舜卿復

敕具官某省過無大况其細者乎爾以服勞不虔嘗麗于罰蓋入柄所以馭過者閱日滋久俾還舊官則予恩茂矣其益靖共以圖報稱可

入內侍省副都知李彥正除入內侍省副都知入內侍省押班楊舜卿除入內侍省副都知

敕具官某昔在周制內宰以中大夫為之而隸天官說者以為禁省之祕不宜屬外建而本朝爰秘比司之長就擇明習靖共可以率屬者以董正之官最貴近亦不可不重其選矣爾自輩中進在四人之數曾未踰日蘇贊內治進之長官楊舜

卿六進亞長官委寄彌重其益履匪懈以報殊渥毋使外廷謂汝不稱可

親衛大夫清遠軍承宣使提舉佑神觀林億年除入內內侍省押班

致自宣徽院之籍廢而比司之長蓋難其人朕既差擇之矣則參伍其間以弼內治非識風指謹憲度者皆不在此選也具官某服勞禁近見謂老成最用命汝秩在四人之數欲俾其屬於內肅給於外靖共則爾責重矣盍亦思報稱者哉可

星兄故吳王府奉利州觀察使多才上遺表妻令人高氏特封碩人

致具位某氏朕所以貫爾夫於幽壤有加禮矣而何愛於疏封爾使居往皆寵光焉以塞其悲

多才上遺表親弟二人此換南班訓武郎多藝修

武郎多見並特授太子右監門率府率

敕具官某等狀以諸衛殿宗室子俾日奉朝請非苟示私也以爾多才身後之請及其冲季惻然重違之而並命爾其務靖共以稱德意可

皇叔祖右千牛衛將軍不佞磨勳轉右監門衛大將軍

敕具官某等朕考周官凡衛王宮者皆同姓也國朝簡宗英實之宗列之尹蓋循周制屬意深矣惟爾叔祖簡在衛中歷年彌長勞績兼茂進長禁闈職守益嚴欽哉無違以稱明賦可

皇叔祖太子右監門率府率不廷持披千牛衛將軍敕具官某以階官易瑗衛率視其秩日者有司故貶損爾今徹朕聞始仍舊貫雖曰緒正亦以示恩其尚恪恭稱此密察

可

武功大夫權主管侍衛馬軍司公事張師顏落權字
教具官某朕以金陵形勢襟帶江淮輟吾騎衛布之屯所且
以壯留輪焉則統馭之才厥選艱矣爾以名將性訓群騶方
當無事士馬飽逸觀者咸謂可以即戎絪懷武備於風馳鐵
於雅車攻或庶幾焉爾之力肆用命爾自攝為真班杖益
崇寄任深重其尚加懋以究爾功俾周秦之詩得以專美則
予汝嘉可

皇叔祖武德郎主管台州崇道觀不詠特換右監門
衛大將軍

勅具官某朕改周官凡衛王官者皆同姓也 國朝亦簡宗
英實之環列之并蓋備周制屬黃濂矣惟爾叔祖行尊德備
今在選中應于經誼宜率典常作宋恭先有馮有翼則緊汝

頽可

昭憲皇后親姪孫杜士實特補承信郎

救某朕惟 藝祖之子孫自吾 壽皇篤叙之恩備矣而於
毋黨顧無世祿宣昌陵之意乎取之白丁授以右職爾其永
懷無忝所自可

右丞相葛邲初拜贈三代封妻四拜三

曾祖朝奉郎致仕贈太師謚清孝追封魏國公書思
封魯國公

救朕覽周誥至命君牙為大司徒實 冢宰是謂股肱而推
本乃祖世篤忠正之美蓋有感焉維今大臣相我孝治經文
緯武海內晏然則亦惟其先德之休足以薰後可無褒崇以
應經具官某 躬行對于古人鄉譽高於月旦方其筮任
亦既有聞而以其親掛冠再調筦庫以此終身僅通閩籍法

不應謚朝廷異焉易名清孝足以發明其人矣燕及曾孫爰
司宰事則所以推本其美朕敢忘周道乎進封大邦莫如曲
阜尚食其報永綏爾神可

曾祖母魏國夫人侍其氏贈冀國夫人

救周之盛至於既醉極矣其卒章曰君子萬年景命有僕其
僕維何釐爾女士釐爾女士從以孫子言周之群臣皆有士
行之女以為之如使生子孫足以傳世蓋天意也具官某故
曾祖母具位某氏作配君子行修於家單及曾孫迺生者指
考其世次亦足以知吾祖宗盛時天意攸屬而豈一日之積一
門之私哉假使當周之世必從夫爵有食五廟然則胙以大
國秩之小君雖古未有亦可以義起禮矣可

祖宣奉大夫顯謨閣待制致仕丹陽郡開國公贈大
師謚文康追封楚國公勝仲封齊國公

救朕既本之六藝大啓土宇以宏賁葛氏之祀則嗣有令聞
逮事兩朝中錫名邦亦禮之稱具官某故祖具官某服某家
聲踐脩累世濟以力學連由三科然而名滿天下而位不過
從班文字行於方來而身不究遠業惟是一經之教被于聞
孫蔚為名臣間我兩社則劬躬之報可無異恩維此管丘太
公舊宅是用即命以為新封對我寵靈以昌爾祚可

祖母楚國夫人張氏贈夏國夫人

救朕方廣念祖烈匹休於周假以溢我而收得賢之福則所
以尊大其家以答天恩豈顧有所愛哉具官某故祖母具位
某氏夙以懿行來嬪名家儀于前人以詔婦子亦既再世燁
然有聞而未艾之祥施于今相詩不云乎執之榛栗倚桐梓
漆爰伐琴瑟種德彌遠歷年彌長豈必皆身親見之乎報本
醴勞式至今日大邦美號以慰永懷非以為生蓋禮之稱可

父朝議大夫致仕贈太師許國公立方封越國公
教王室百年之間公侯將相故家希不失者有以文墨論議
綿及三葉是謂世臣固朕之所寵嘉矧于宗工尊為禰廟者
手具官某故父具官某襟度粹然聲華藉其父未脫莖性
誦之一時英特莫敢輩行紹興之季歸為從臣蓋其行藏皆
可蹤跡用而不盡士論惜焉宜集善聲發於賢嗣凡所著見
孰非典刑爰修舊封建邦於越以厚教忠之報以伸追遠之
懷可

母雍國夫人樊氏贈陳國夫人

教為吾股肱之臣則上自三世皆褒大之而况於其母乎御
不及百兩養不及萬鍾也而無以慰滿其固極之恩亦何以
責移忠之報哉具官某故母具位某氏承沐襲美發育自躬
恩斯勤斯鞠我良弼雖及晏歲逮事舅姑且莫敬共至忘櫛

穎是足以成其子之令德夫改疏上國之封以世世配于祿
廟而今而後庶幾吾大臣之不廢慕我也可

故妻蜀郡夫人沈氏贈成國夫人

勅夫人起家以致爵位風人懼焉迺若克相夫子至於登庸
嘗與之同隱憂矣而不同休顯此則又禮經之所悼嗟也具
官某故妻具位某氏女德配於所積婦功著於菡藻胡不借
老以須羨成朕惟吾相裸於祔姑之室而副笄之服弗被翟
芾之車弗乘也非有違寵何以慰之乃闢新封以賁幽安可
妻魯郡夫人王氏封信國夫人

勅永惟二南大夫勞於王事而勉之以正勸之以義者皆其
家室也矧吾輔臣孤直一意佐佑乃辟是不日警戒相成之
助歟具官某妻具位某氏自繼元配德音不瑕既有芳徽進
昇祖妣亦有雜佩施及嬖佐我名臣迄登三事聞譽日廣績

用日崇則與夫汝水之墳南山之側遭世不淑動心忍性者可同年而語乎冠於命婦為君夫人我有茂恩宜不汝吝可知
知樞密院事胡晉臣初除贈三代封妻
四年三月

曾祖贈太子太保修已贈少保

勅昔周宣中興將相皆天下之選夫爰命皇父以整六師而推本所以實南仲太祖之後爰作常武之詩朕其慕焉維今本兵得我碩輔則其宗祧可無褻崇以應經誼具官某故曾祖具官某躬行對於古人德譽高於輩行而懷道不試士論惜之夫屈於名者字其實不發乎其身者遺其後是宜燕及曾孫蔚為名臣久陪國論晉長樞庭則追錄其積行之勤增華其種德之報朕敢忘常武之詩乎陞班亞保以寧其神非以為生蓋禮之稱可

曾祖母濟陽郡夫人黃氏贈崇國夫人東來郡夫人

人張氏贈安南國夫人

救周之盛至於既醉極矣其卒章曰君子萬年景命有僕其僕維何釐爾女士矍爾女士從以孫子言周之群臣皆有士行之女以為之妃使生子孫足以傳世蓋天意也具官某故曾祖母具位某氏作配君子行脩於家覃及曾孫迺生者皆考其世次亦足以知吾祖宗盛時天意攸屬而豈一日之積一門之私哉假使當周之世必從夫爵侑食五廟然則胙以大國秩之小君雖古未有可以義起禮矣可

祖贈太子太傅燮贈少傅

救朕既本之六藝不愛高爵以崇報胡氏之祧則嗣有令德休于後昆並命為孤亦禮之稱具官某故祖具官某當天下之清得幽人之履世無孝廉之科而不借於計吏居無朝市之交而不聞於上國天命弗僭為之生孫蚤為聞人遂專樞

竟是不謂之勅躬盡後者乎申錫命書班於次傳宣唯發潛亦勸來者可

祖母平原郡夫人王氏贈永國夫人

敕朕方寅念祖烈匹休於周假以溢我而收得賢之福則所以尊大其家以答天貺豈顧有所愛哉具官某故祖母其位某氏夙以懿行來嬪名家儀于前人以詔婦子爰集慶善施于聞孫詩不云乎藝之榛栗椅桐梓漆爰伐琴瑟種德彌遠歷年彌長豈必皆身親見之手報本疇勞式至今日大邦羨號於禮為宜可

父奉議郎致仕贈太子太師宗贈少師

勅自蜀平至今二百餘年蓋西土無遺賢矣而尚有潛德三世不逢詩不云乎何其久也必有以也具官某故父具官某行著而晦於名才豐而嗇于位乾道之際有子焯然諸老先

生見謂公輔吾壽皇駸駸嚮用矣而方考槃阿澗水夫弗護不以鼎求之養而易燕居之福匪棘其欲卒為帝師始所謂有道者乎然而生則遂循墻之志沒則極告第之榮吾於大臣之親亦質之詩書無愧夫可

母通義郡夫人鮮于氏贈信國夫人和政郡夫人蘇

氏贈和國夫人又安郡夫人王氏贈惠國夫人

敕為吾大臣則上自三世皆寵嘉之而况於其母乎御不及百兩養不及萬鍾也而無以慰滿其罔極之恩亦何以責移忠之報哉具官某故母其佳某氏承休襲義發育自躬恩斯勤斯鞠我良弼蓋副笄之飾翟第之華一朝疇之不以為忝朕惟樞輔依然永懷是用流以上國之封以世世配於禰廟而令而後庶幾吾大臣之不廢裝我也可

妻大寧郡夫人康氏封安定郡夫人

敕永惟二南大夫勞於王事而勉之以正勸之以義者皆其
室家也矧吾輔臣孤立一意佐佑乃辟是不曰警戒相成之
助歟具官某妻具位某氏酒醪之所羞雜佩之所贈皆天下
賢傑也爰相夫子至於登庸經文緯武績用甚茂則與夫汝
水之墳南山之側遭世不淑動心忍性者可同年而語乎冠
於命婦為若夫入我有異恩宜不汝吝可

迪功郎祕書省正字蔡幼學該脩進

至尊書皇聖帝會要轉一官

敕具官某載筆東觀迄於成書序進一階可謂德賞益修鈔
槩以昌爾文子與二篋亦其選也可

忠訓郎武學博士李興時知融州七月十日

敕具官某簡在右學諸生咸曰賢哉吾博士也滿歲且遷官
而自詭治民將以其淑人者施之行事融在崩表嘗建旄鉞

而荆湖之與鄰視旁郡為善地爰以付汝是謂異數尚其懋
哉以踐爾言可

高文虎除將作監丞


敕具官某朕旁招俊彥布列周行德進言揚如恐不及矧子
大史氏之舊引疾居家十有四年昔病今愈子環可後乎爾
博學篤志承伯父之傳網羅舊聞述史遷之緒採之公論僉
曰汝賢再轉為丞尚居繕監職務清簡可以卒汗青之業毋
以匠為嫌也可

武學諭范仲士除武學博士脩武郎黃裳然除武學
諭並七月二
十一日

敕具官某等國家設武科以取士有周道焉所以貫革之射
息說劔指笏冕衣裳在西學則皆俊游也矧若爾仲士爾襄
然人所亟稱者乎分以橫經之席從以滿戶之履雖甚寵異

豈曰不宜可

止齋先生文集卷之十二



止齋先生文集卷之十三

外制

和州防禦使駸前副指揮使郭泉除宜州觀察使

敕古者六軍皆以卿將元戎十乘有瑤茲珩二雅誦之庸示
光寵矧我中權可無異數具官某鷹揚之勇輻湊之謀山西
將家今終一二躋勞屯岷晉長固廬訓我群騶壯我中壘累
歲於此士聽無諱日者貝冒三十來閱庭內舍矢如破可以
即戎朕圖爾功宜及懋賞枚數男爵峻極廉車禮均徒班視
古卿士是用命汝蓋周舊章光對明恩益思忠報無使行狩
專羨車攻無使止居遺恨行父則予以擇僉曰汝諧可

武略大夫侍衛兵軍都虞候兼權侍衛馬軍司職事
閻仲特轉右武大夫忠州刺史

勅日者朕重冬狩之役又不欲乏武事也而為簡之師試諸

迂內於環列得師焉於步旅又得帥焉皆可以即戎朕甚嘉之具官某久於行陣積有戰多枚數壯士莫與儔伍鮮胸山之圍殿符離之返至今言之令人矜奮頃自遴選往我師徒百夫千夫各習其教往往營壘廬次之間無驚塵也於是閱也介冒堅好旄麾光明坐作進退動中尺度朕惟勇爵以橫行為右階之最以刺郡為遙領之始悉不汝吝用賞懋功其對隆恩益殫忠力可

閣門者班趙弼奏祖故寧遠軍節度使侍衛馬軍都指揮使贈大尉趙擢舉馮郊祀登極未曾陳乞加贈特贈開府儀同三司

朕永懷將閱克勤王家宣勞實多贈典有闕具官某忠於許國勇不顧身能以衛社稷之心効於死封疆之力戰自東髮觀者汗顏日者欲澄冗員嘗第元從閱實數千人之衆定

為十三處之功爾獨最聞朕尤嘉煥然論報自肯繼峻極於武階而訟言有孫尚少虧於褒律是用申命幽壤視儀上台以昭我不吝賞之功以成爾無遺恨之美抑使介士奮於戎行可

朝散大夫權刑部尚書京鏜兼侍講

勅朕與賢士大夫切磋經誼之日久矣而今加意於春秋春秋固為表夏作也蓋聞在漢或申復讎之義或庶幾止戈之武而皆有大功號稱也制斷之經意孰得孰失朕將安所取此而誰與茂明之也具官某簡在法從蔚為名臣修聘北庭非禮勿聽往釐西事無言不酬斯可謂据古而通今者矣進之路朝重席以待其為朕深探遺經之指與漢二君行事以佐取舍爾信不為章句學者而朕顧不能專所聞歟往其懋我副延好可

太中大夫權尚書吏部侍郎沈揆兼侍講八月二

敕朕與賢士大夫切嗟經誼之日久矣而今加意於春秋春秋固為夷夏作也蓋聞在漢或申復讎之義或庶幾止戈之武而皆有大力師稱七制斯之經意孰得孰失朕將安所取此而誰與茂明之也具官某紹興諸生逮事高廟乾道博士見知慈庭於今士林鮮矣輩行而况嘗與朕游舊乎進之路朝重席以待其為朕深探遺經之指與漢二君行事以佐取舍爾信不為童句學者而朕顧不能尊所聞歟雖懋哉以副延佇可

朝請郎右正言黃艾兼侍講八月二十

敕具官某諫臣朕所甚嘉與也迺者封囊朝奏而夕不下則言者解不自得豈朕意哉勸講關負有司米諡庸命汝艾切嗟經術晉陪後班無所降殺宜惟以爾聞見博洽宜在選中

亦使人人曉然知朕嘉與之意則繼此盡言不諱矣尚彈厥心以副延佇可

湖南提刑孫逢吉奏邵州獄囚死者二十餘人守臣湖澄持展二年磨勘

敕昔在三朝每歲歲夏以一札賜郡長吏為奸獄丁寧也自長吏不奉此詔而吾民瘼死者滋衆爾其守邵亦以獄囚多死見察於部使者毋乃非朕寄元元之意乎貶損年勞以示薄罰繼此領州無怠臬事可

文林郎邵州錄事參軍樊璿脩職郎邵州司理參軍李邠獄囚多死各特降一資

敕具官某爾為獄官而不省囚疾苦至多瘦死非所謂士師不能治士者歟其鑄一階以警怠事可

大尉定江軍節度使興州駐劄御前諸軍都統制兼

知興州吳挺守本官致仕

敕圖任世臣盡護蜀將縱猊十萬不從中覆蓋五十六年於此矣此意安在哉而欲致其事耶具官某性有忠勇之資學有韜鈴之素覽我西顧賢於長城假以數年庶底丕績而一旦以疾來諭願上夫將軍印綬此朕所以屏奏不省也雖然誦詩至於勤勞遠詠歎辛若則古者遣將數日即休未有以獨賢久勞若爾然者朕豈得不動於心乎姑徇忱辭使自休養若屬有疆場之事強為朕起何以報我爾其勿忘可

故太尉定江軍節度使興州駐劄御前諸軍都統制兼知興州致仕吳挺特贈少保

敕朕誕膺聖緒渴想賢勞方分託重之權尚阻勞還之禮眷惟三世每興西歸慨金之懷胡不百年遽有東首拖紳之恨可為震悼何以追榮具官某為今价藩視古名將本之以鷹

揚之勇濟之以輻輳之才越在江源而不忘宗海之心既安蜀道而常為得隴之計是用倚以大事付之全師永惟王室之中興皆有世臣而後濟維周復古則召公是倡之功維漢御天則耿氏獨隆之力期爾晏歲對於昔人曾諗疾之亡何而告哀之已至朕方深念莫起於九原國有常儀率加之二等肆頒渙渥以慰沉冥晉陪亞保之班配食先王之廟意有以勇爵至於聯左棘之華雖云愍章足以示前茅之勸可持服前武功大夫邠州團練使吳曦特授濠州團練使起復

敕具官某有金革之事測年之喪無群自伯禽以來未之有改而况爾曩世為將乎移孝為忠朕所以強起汝也又况蜀師十萬聽命爾家西陸晏然于今五紀方圖前烈宜及後人則脫爾於寄祿之階授爾以戎練之任宣以為利其母國

辭可

提舉江州太平興國宮郭祿授利州觀察使致仕
敷閱勞將帥畀以真祠尚復抗章勇於忘祿重違雅志俾遂
歸休爰進崇階以勸廉退具官其奮自將種卓有俊聲符更
棘門晉尹環列累歲於此六軍不譁方篤邦交久無疆事闕
士雖倍戰功不多然中樞屹然大敵知懼繫卿之力簡在朕
心所異壯猷不忘王室胡為解組遽此書車豈非以行百里
者末路之難而三世功名道家所忌乎勉從忱請良弗眷悌
尚服寵榮益綏壽祉可

故利州觀察使致仕郭祿特贈寧遠軍承宣使

敷聽垂車之請亦既永嘆聞易賁之言可勝遐想宜舉恆典
以疇舊勞具官其自束髮之初有累尸之志方其賈勇於宣
威沙漠之間竟爾收聲當偃伯靈臺之後然而哉有萬末如

周歲兵戎有千慮如漢中壘舉以副托究其設施歷年彌長
課効為最佳者以厭直之請踐更于邊雖分州符亦以寄重
反即祠館從其憚煩曾鳴劍之未用何挂冠之已決朕方有
感德非忘杖社之詩今顧不然乃是迫桑榆之景覽此遺奏
為之盡傷爰錫使名視唐留務以華身後蓋國舊章其高欽
承用自寬慰可

耶律道哩致仕

敷有能厭疆堽之習蹈不測來歸我可謂壯士矣胡為論疾
欲自便乎具官某耻事朔庭義不構漢觀光中國誓將威胡
蓋 壽皇之所寵嘉而朕待之勿替者也夫鳴劍之志未爾
而挂冠之請已決豈其以兩國方歡賈勇不倍將退屢以自
娛暇乎抑膂力既憊自視非昔人而不復感然也不然果
疾病耶重違忱請聽致爾事若以疾辭則豈庸釋可

耶律迺哩贈官

勅挂冠有請良則余衷華璜有恩蓋絃爾後具官某以幽燕
任俠之氣懷江漢朝宗之心萬里來歸甚欲宣威於沙漠而
兩君為好適當偃伯於靈臺竟爾收聲至於賞恨蓋聞華夷
之分春秋所嚴有能擇衣冠於介鱗之間而頽執干戈於社
稷之役春此壯志令人永懷爰跡錫命之封庸示飾終之典
尚歆殊渥以安英竟可

正議大夫充顯謨閣待制提舉江州太平興國宮陳
峴磨勘轉正奉大夫

敕夫循次非所以待勞能也計年非所以處法從也而有司
以告重違舊章宜有命書且見明陟具官某以名臣之子自
託於儒生以夕郎之官踐更於州組奉祠累歲益見靖共序
進一官曾非特與朕不敢廢姑慰永懷可

合州赤山縣多山至道觀中妙真人祈禱感應加封

神妙靈應真人

敕具某神朕雖不令祠官祝釐專鄉獨羨至四方長吏有為
吾民請曰某山川之神能惠其一方則褒崇之典朕靡愛焉
以庶幾古靖百神之義今蜀部使者來言爾神惠及閩境求
之掌故則建表之所表章也爰錫命書申衍稱號所以寵嘉
神貺以從民欲者何如哉尚終惠之俾世世享可

潼川府中江縣靈感廟善利侯祈禱感應加封善利

敷濟侯

敕具某神朕雖不令祠官祝釐專鄉獨羨至四方長吏有為
吾民請曰某山川之神能惠其一方則褒崇之典朕靡愛焉
以庶幾古靖百神之義今蜀部使者來言爾神惠及閩境求
然古祠前循所敬吾民其嘉賴不忘也爰錫命書申衍稱號

所以寵嘉神貺以從民欲者何如哉尚終惠之俾世世享可

盱眙軍通判 降一官

教具官某兩為通守通掌北門之管政民犯禁而莫之禦碩
欲歸罪於微吏可乎其鑿一秩以為不事事之戒可

武節大夫權發遣郢州任世安特轉一官守任

教具官某往時三遷吏不數易滿歲無虞則增秩以隨之蓋
自建隆以來未有改也今兩乘障日有能聲爰進新階仍仍
舊組爾其益固吾圍以訖外庸杖杜勤婦之詩朕豈忘之手

可

從義郎權知恩州田祖嚴特轉一官

教具官某昔爾以婦地進秩而有司繆誤仍年勞之舊貫於
焉正名以示懋賞其服命令益見寵綬可

復正大夫奉國軍承宣使提舉佑神觀殿前訓練生管

國信所任滿無違闕特授宣政大夫

教文鄰之禮於今為重自束帶與賓客言至於几執事皆所
以覽示遠人以中國之有體也具官某昨長內庭嘗發贊幣
竟以明習曾無忒違隣好不渝亦繫爾力疇勞滿歲懋賞崇
階蓋國舊章朕豈汝吝可

朝散郎守司農少卿唐體仁除太常少卿

教具官某奉常惟禮樂是司而去古浸遠放逸尚多非得博
物洽聞學有根據者未易輕畀也爾少明經術務為有用探
曠索隱耻一物之不知總餉之久蓋已由郎省而貳大農矣
召對雍容効忠無隱其為朕典禮樂之事鍾敲玉帛抑未也
尚求其本而釐正之可

朝散大夫尚書戶部員外郎趙謚除軍器監兼權郎

中十八日

敕具官某戎監之設本以嚴飭武備而休兵歲久繕脩之職各有司存長貳亦惟揔其九而已以爾舊弼之孫克自抑畏久在郎省能寡悔尤序進為長仍攝民曹往其祗欽無替于舊可

朝請大夫起居郎兼主牒所檢討官兼權中書舍人樓鑰除中書舍人

敕壽皇初策在廷之士蓋極一時之選矣朕閱名籍得為相臣者二人焉樞臣者一人焉樞臣而下以聲績著見者迨不可枚數也具官某於是時嘗秉然為舉首而偶不中有司之度然至今海內士所樂道議論文章風流蘊籍則未嘗不在稱首也間者旁招時望實之本朝爾以攝官屬筆能道朕德意與其人才美之所宜文字之上下簡書之長短皆足用勸而會言不同往往不奉吾詔仁者之勇見於封章肆用命爾

為真詞掖除書之出國人皆曰賢詩不云乎假以溢我我其收之朕於是蒙 壽皇得人之福矣昔者鄭為辭命終屬國儒唐掌帝制實先韓愈爾其懋哉稱此優異可

額內翰林醫痊李九齡轉翰林醫効

敕具官某天官之屬六十而醫命士二十有八人周家之重醫也如此矧爾服勞有以自見進之二秩視周命士往服明恩毋怠爾事可

判太史局吳澤荆大聲劉孝榮周端友職事不謹各降一官敕具官某等東方未明之作挈壺氏所以刺朝廷也朕夙興待旦而五夜之漏聲不肅是誰之咎歟各鐫一官敬共朝夕毋以為星官曆翁而弗汝察也可

秀州海鹽縣陳山龍王顯濟廟神母慶善夫人加薦福三字敕其神母朕既從二千石之言宏賁二子之祠維爾能與而子

共福吾民郡人推本所自而廟食之可無寵嘉申衍稱說以大慰民欲乎可

賜進士出身宣教郎趙善防係濮安懿王近屬更轉

一官

敕具官某策士于庭而吾屬籍有以文克列于丙科朕既異焉而問諸宗人則於濮園為近抑可嘉已申命一官以勸肯子爾其懋哉務自著見可

宗子顯夫量試不中年四十以上特補承信郎

敕某國家所以待屬籍至矣不得雋於進士則有量試不得雋於量試則有免試皆欲使之齒仕版習吏事也爾其勉哉以稱朕意可

量試中宗子汝弼等八十一人補官

敕某等凡有司考校之科甚嚴密也而獨寬於量試宗子蓋欲

使之齒仕版習吏事稍涉於文墨而不求其備爾等盍對明恩思所以自勉哉可

合格取應宗子時信等四十二人授官第一名補承

節郎餘補承信郎

敕某等有司考試之法至嚴密也而獨優於宗室子夫既闕畧以取之而授官與寒賤等則非所以示公姑屬右銓以須器使可

四川宗子師說等十人廷赴殿試不及並特補承信

郎

敕某等爾以宗黨越在西州嘗得雋於有司而道阻且長弗獲與親策之選置而弗錄朕心惻焉亦授以官庸示篤叙爾其懋哉可

宗子師鈺量試不中次近降指揮年四十以上特補

承信郎展三年出官

救某有司考試之法至嚴密也而獨優於宗室子夫既優矣而猶不應令徒以強仕子之初官然必使為三年之淹而後筮仕用示篤叙不為苟私可

宗子汝璽對策中間全寫御題首尾各用一跋湊成持降一官推恩補承信郎

救具官某策士於庭而無以對宜不在第中以爾屬籍子而不求其備始命以官亦可謂茂恩矣可

廣東提刑李信甫奉朝奏大夫通判德慶府權英州張公蓋失陷官錢科擾民戶特降一官放罷永不得與親民差遣

救具官某嶺表以去廷遠而吏不自愛性淪胥而為欺削爾一秩且不得與於民社之寄苟自愛者繼此尚少懲乎可

忠訓郎趙湧在任不職南劍守臣楊祐按罷輒敢伏闕妄論守臣特降一官仍押送寄居泉州拘管

救具官某爾以屬籍試吏不自貴愛而見効於州家亦既虧吾教矣詰闕自疏復終失實竊一官俾爾省循可

四川制置立密奏承直郎知叙州慶符縣魏良心侵刻夷人又輕入夷圍致殺死巡檢程仲乾降一官放

救具官某夷人畏靡而服威重爾為邊縣不足於斯二者而致吾疆吏於死地免官鐫秩是不謂之寬典乎可

知成都府立密奏從政郎錄事參軍史定之不親蒞獄致囚自刎死降一官放罷

救具官某夫為獄掾而弗躬弗親幽枉多矣囚致於自盡特其甚較著彰彰者也免官鐫秩是不謂之寬典乎可

文林郎婺州浦江縣丞趙大亨不遵依提刑司差委
推勘公事輒申任滿離任降一官

敕具官某士而不事事是欲素餐也爾方丞縣而再却憲臣
之檄以自擇便豈非不事事歟按章來上姑鑄一秩繼今知
懼斯可從政可

知萬州李圭奏脩職郎萬州司理參軍向紹祖獄囚
繫死降一資放罷

敕具官某爾為獄官而不省囚疾苦至於墮指至於死而不
以告豈非所謂士師不能治士者歟其鑄一階以警怠事可

止齋先生文集卷之十三

止齋先生文集卷之十四

外制

慈福太皇太后冊寶書冊文官中大夫知樞密院事

趙汝愚轉大中大夫

敕迺十有一月癸未日南至朕帥中宮從以婦子朝于重華
獲陪親尊上顯號於王母永惟一朝四世非常之休則亦二
三股肱克相孝治以輯威儀可無茂恩昭示褒律具官某任
重而道遠經明而行脩累朝篤叙同姓然自熙寧以進士
對策而卿始以讜議冠群英自治平以儒臣本兵而卿始以
雅望位三事卓爾大雅百年而復見之朕甚嘉焉屬茲成禮
盍圖爾功維昔太任儀刑姜妣功在十亂德在二南於是周
公推本聖子作思齊之詩以歌之而仲尼定為六藝傳信萬
世朕今建事過於成王翳曾不在周公之下醜勞進秩

實應經誼意繼自今為

陪朕歲上萬年之觴頌不

常歎可

篆寶文官通議大夫叅知政事陳騏轉通奉大夫

敕迺者具法駕以日南至朝慈福官壽皇拜乎前壽母拜乎後朕帥中宮從以婦子摺圭稽首奉上寶章亦惟輔臣克相鉅典可無褒律以示同休具官某直內而方外博文而約禮及見故老在紹興文獻之間蔚為儒宗極重華侍從之選春言舊學簡在初潛所謂獨抱遺經能斷大事者矣晉預機政益行所知俾予孝治度越千古蓋周頌大任而不及子孫速事之榮漢尊長樂而不備父母俱存之福洪惟我家一朝四世自有載籍未之前聞翳卿持書盡善其美意朕武克至于今日休宜惟兩宮將高廟亦寵嘉之序進一官匪以為報可前導禮義使并奏禮畢通議大夫同知樞密院事余

崇禮轉通奉大夫

敕日奉寶冊上之慈福也乘與所過觀者萬人火道率皆歸羨於朕躬朕豈敢專也則亦有志心知訓之臣克輟盛事可無褒寵用以示勸具官某直諒而多聞明哲而匪懈蓋良然如不勝衣而道任天下之重謙謙躬躬而勇過孟賁矣後將潛邸陳誼最高晉朔鴻樞臨機必斷朕嘉賴焉通者道玉有儀可象肆于政事蓋蓋爾切朕誦恩禱之詩推尊文王本之太任於是蓋四世矣而周公始作大雅考引功德以昭前人未必遠事王母親周旋揖遜乎其間也以今况古孰與朕休如卿遭時亦曰鮮儷繼自今卿其以予萬億年對天之休將書勞進秩不一而足焉尚其懋哉可

兵部尚書羅點母太淑人繆氏遇慶典恩特封齊安郡大夫人

敕朕觀曾詩頌僖公之有道及其壽母於以知吾卿大夫之賢其母氏不可以無報禮也具官其母具位終氏克相君子種德云邁是生賢嗣為邦司直以點之議論風操過曾僕遠甚則爾母視魯夫人賢何如也義不貳其夫而善祥集於晚年教行於子而淑譽聞於斯世肆朕嘉與特錫贊書秩以小君疏封名郡抑取曾人請命于周而後作頌者異矣尚朕寵先以綏壽祉可

中書舍人樓鑄母太碩人汪氏遇慶典恩特封太淑

人
敕朕觀曾詩頌僖公之有道及其壽母於以知吾卿大夫之賢其母氏不可以無報禮也具官其母具位汪氏克相君子為名大夫是生賢嗣世濟其美以綸之議論風操過曾僕遠甚則爾母視魯夫人賢何如也尚雖從其夫而善祥集於晚

年教行於子而令譽聞於斯世速茲邦慶特錫贊書抑與曾人請命于周而後作頌者異矣尚朕寵光以綏壽祉可

參知政事陳騷子臧孫遇慶典恩乞進封其母

敕日奉萬年之觴于朕王母嘉賴爾父爰進褒律而爾又以錫類之恩崇大其母膏沐之邑豈不榮哉具官其母具位某氏吾大臣內助也而及偕老方爾父夙夜匪懈庶我庶績亦惟爾母整齊家事而後得以并意一鄉不懷其私則從夫之爵雖不以癸未詔書從事嘗封名邦朕何愛焉而况乎夫人獨得之也若夫可以久處約於燈火之初可以長慶樂於菴裾之後九百命婦於焉取式則此異恩又足用勸可

安定郡王子濤遇慶典恩轉官

敕維建隆磐石之宗澤流後裔維慈福奉觴之慶燕及高年兼二者以有言進一官而何吝具官其為今屬籍視官典刑

以孝恭友兄弟如周君陳以謹重率宗室如漢劉德至於試
吏允也過人信抱負之不群况行藏之無愧比觀掌故誰其
建事於四朝強起襲封茲謂勲遺之一老可以華國豈惟奉
祠方欽想於連尊宜亟榮於殊渥假如老老亡元日之詔書
祇以親親亦感時之恩意明揚進律晉陟承流其茂對茲龍
光用永綏於眉壽可

慈福太皇太后姪淮東總領吳玘特轉一官

敕具官某朕嘗從上皇後恭上 慈福之册親聆 慈訓勉
之以學至今心不敢忘也而施恩外家久不予以甚失朕意
爰趣有司上之而爾某方饒淮師序進一秩以 太后訓朕
之意則爾亦宜自好修以成思齊太任之畏矣可

吳壽 方令壽
吳瞻 方令壽
吳錡 方令壽
吳鈞 方令壽
吳鑄 方令壽
吳鈺 方令壽
吳鑄 方令壽
吳鈺 方令壽
吳鑄 方令壽
吳鈺 方令壽

吳銓等一十二人

迪功郎前金州司戶青陽炳文年九十一遇慶典恩

特封承務郎

敕具官某在易之晉爰茲介福于其王母而朕身親見之豈
不盛哉餘慶溥博燕及人老俾爾晏歲齒于初官尚服寵榮
益綏壽域可

儒林郎御史臺副引贊官賈忱應奉上

尊號册寶了畢轉承直郎

敕具官某典禮行於上而澤下逮益廣愛之道也爾適幸會
亦與進秩尚務肅給母憇于儀可

朝散大夫軍器少監兼實錄院檢討官兼權考功郎

官黃由除將作監兼嘉王府直講

敕具官某朕有元子爰之固深而教之惟恐不至一時賓僚

儒學之選爾以魁倫之彥久儀群王之府保保正色抗論不
回自少匠而為長蓋亦寵矣技巧精能非所以望汝也橫經
朱邸使吾兒有直諫多聞之益是惟休哉可

武德大夫常御器械幹辦皇城司陳守忠係

重華宮淑如陳氏親父久在殿陛特與帶行進郡刺

史

敕具官某於重華為掖庭之親於廣內為屬韃之列矧惟肅
給濟以靖共出入兩宮而無違周旋四姓而不競爰疇勞於
歲筭俾借重於州麾以歡庭帟以壯軒陛可

奉議郎太府寺丞曾三聘除秘書郎十二月二

敕道山蓬萊國籍鉅萬士夫仰望真有臨車羽輪之隔游其
中者皆天下選也以爾力學自奮持論不阿憂國之心如飢
如渴擢自外府徑登清貫益讀未見書以昌遠業且使四部

秩然有序是為稱職哉可

大理寺主簿王寧新知信陽軍劉崇之並除太府寺丞

十二月二

敕寺監皆有丞而外府設官特詳焉蓋欲上裨版曹之調度
下托有司之出納不可以非其人也以爾寧文辭蔚然明習
吏道勾稽棘寺平反為多爰俾序廷以酬勞勩爾崇之聲稱
籍甚蚤登著庭出守遠方召對尤敏使還朝蹟以慰公言所
貴於儒者謂其能通世務以其所學見之事功勉哉可

朝散大夫王進之知德慶府

敕具官某爾頃以天府貳車往守武陵突不得黔已復罷罷
朕心憫焉晉康雖遠實 高皇興王之地舉以授汝以觀
汝能尚其懋哉母替朕命可

張某知宜州

敕具官某自桂林以南之川宜為大其與蠻人隣也宜為通
置侯固圖重於他邦舉以付爾不謂之選擇而使子歟尚對
明恩無之遺事可

朝散郎元顯謹閣待制兼 皇子嘉王府翊善曹叅

兼侍講 五年正月

敕朕每歲仲春詔諸儒講路門將脩故事有日夫比覽名籍
為之矚錄昔者所進今安在耶而不為予講也具官某以六
學之醇長於勸誦嘗發明春秋之旨纒纒可聽也何恙不已
而憫勞以大夫之事但與吾兒游乎夫文帝能前席賈生於
久不見之餘而武帝不能留汲黯於出入禁闥之日兩君治
効較然可觀爾不當起為予講耶詩不云乎素絲祝之良馬
六之波妹者子何以告之此朕所以責望汝也可

從政郎建康府江寧縣尉趙汝章收使射賞轉文林

郎

敕具官某澤宮不逮士無射御之習 壽皇以為此非所
以合文武也既策之廷中復取之園 於此皆得雋焉亦
艱矣俾進一階用為如吾詔者之勸可

降授朝奉郎權通判建康府徐寬任國子博士日奏
對失儀降旨特復朝散郎致仕

敕具官某闕庭之禮陵三軍者懼焉以其嚴也爾為博士長
而進對失空至於竊秩朕豈深咎爾耶丞部亡何幸未致事母
乃謹畏過自刻責手俾還舊官示棄前咎則朕之遇士大夫
明恕兼矣可

福建提刑盧彥德奏泉州同安縣尉鍾安老增強盜
希賞本州錄事參軍從政郎鄭繼功符同結錄更不
駁正繼功特降兩資放罷

一止齋文集卷之五十一
六
敕具官某捕盜之賁建隆舊章也。比歲吏緣為歎往往傳會得官縉紳數以為言而重改作特以待實能焉爾汝治其獄過不審察竟以傳會之辭上之州家士師不能治士非是之謂歟其前兩秩仍免居官尚務者循以蓋前咎可

前提舉廣南市舶江文叔容縱押綱官移易香綱錢物特降一官

敕具官某建隆船司蓋長吏兼之尋以為有遺利也而專置使亦稍密矣爾領其事迺以貢輸屬汙吏然則何賴焉削之一官以為不謹所使者之戒可

知建康府余端禮奏武絰郎李存道和羅淮西總領巧米般量少欠降一官

敕具官某時艱以首膺此大事也而爾不究心至見劾於帥聞爰奪一階以警怠事尚其省循異不終棄可

入內內侍省東頭供奉官毛居實轉婦史部授從義郎

敕具官某爾自謫籍得婦銓曹命之秩官往護陵寢其對恩渥毋忘懼思苟無後愆亦豈遐棄可

新知錢塘縣趙盛婺州通判吳璠並除職事官三月

敕具官某等維昔忠獻光輔高宗以建我家維今太皇實佐求賢而無私謁天下誦之則以爾盛忠獻之後璠

太皇家人也靖共在位克世其美而真諸周行以勸勲戚不亦宜乎可

大理少卿許及之奉使回特轉一官

敕具官某昔卑陶明刑能弭猾夏之患爾吾諫臣也而為大理稽經傳古人自不寬非所謂淑問如臯陶者耶銜命北庭

且以覘國朕所為用汝也肆于婦報壹然獻忠蓋歷道其所更見至於未忝而未嘗一語及僕馬之病朕聞之有感焉書勞增秩是特舊章若屬有鄰國之大事爾其選哉可

閣門舍人蔣介奉使回特一官

敕具官某使於四方孔門以為難是可以觀士矣爾以西州之彥充職上閣意象容止宜如儒素蓋其所趣尚然也屬脩隣聘以爾輔行肆于婦報禮無違者書勞增秩益循舊章欲究爾能嗣有晉寵可

帶御器被蔡必勝除知閣門事

敕具官某昔者仲尼設科可使束帶與富客言者皆高弟也矧吾上閣四方於此乎觀禮而可不用士乎爾以諸生習孫吳對策為天下第一操後趨尚學士大夫也 壽皇嘉之 髮鬢雖仕朕方在潛邸每視朝輒偏意汝以為可在左右肆

我嗣服首加趣召俄而銜恤迺今來歸是用命汝典我閣事夫不以寒素處私人不以學問望右列其來尚矣自我作古追復仲尼之遺意爾其懋哉以圖忠報可

朝奉大夫試尚書禮部侍郎倪思薦舉不當降一官
滿一期叙復朝散大夫

救朕惟聽言信行雖高第不保其終身觀過知仁則寬朝宜諒其本意爰棄前咎俾復故官具官某為國華簡在法從久居臺閣蓋習於推轂之風樂道縉紳亦恐有積新之恨云胡吏議及此上聞迺不知獨吏之為而徒錄名臣之後或者愛博至於言私雖薄示懲章豈遽忘於善類思皇多士朕所以舍舊而圖新求備一人爾母為矯枉而過直可

降授通議大夫 顯謨閣待制提舉江州太平興國
官陳峴薦舉不當降一官滿一期叙復通奉大夫

教朕惟聽言信行雖高第不保其終身觀過知仁則寬朝宜諒其本意爰及改歲俾還故官具官某屢典名藩久待從索以公卿大夫之後雅有振援則門生故吏之多豈皆決擇况重以名家之好則忘其賦狀之非及此上聞掛於吏議既往不咎朕所以舍舊而圖新永矢弗諼爾無為矯枉而過直可顯謨閣學士降授通奉大夫知建康府鄭僑舉慶安令舒光改官不當降官滿一期叙復正議大夫

敕具官某淳安令之獄至今人疑之朕徐考其所為主則皆吾賢卿大夫也吾賢卿大夫也而坐以總舉之罰母乃已重予以爾經明行脩為海內所稱數而閱天下之上多矣門生故吏必善推擇而不苟取迺者所舉令其具如刑書邪則與其進不保其往孔子有是言矣不如刑書則是即墨大夫也豈以微文而廢善類爰棄前咎俾還故官其繼自今毋以精

失士之意益舉所知是謂忠報可

朝請大夫中書舍人樓鑰磨甚轉朝議大夫

敕計日非所以處賢才也書勞非所以待法從也而有司以功令來上曰其人當進其官則朕亦重改焉耳具官某以文墨議論方代予言有吾與丞相執政進退群臣當不當功罪爾皆得以可否是正于其間分職授任亦異於百辟矣績用益彰聲望益茂則等而上之不過三數官皆將以持汝何屑屑以課日月增秩為事尚服訓辭以須明陟可

曾知嚴州

敕具官某贛川之曾人物相望仕至二千石者前後以十數厥聲茂焉爾習于家傳有志於古試以郡寄有志於民還奏便朝嘉其詳練惟嚴陵之輔郡實高廟之潛藩分以互符用撫吾民由小州得大州益勉厥職以大爾家可

林大中磨勘轉官

敕計日非所以待賢能也循次非所以優法從也而有司以功令告是為舊章庸可廢乎具官某以直道正基綱至于累歲以勇退紆州組殆將終更縣之懋官一階不足酬也况夫訓詞深厚駁議剴切朕甚嘉之乎而有司會課姑推增秩其尚欵承以須殊獎可

奉國軍節度使開府儀同三司元萬壽觀使夏執中


所生母郡夫人沈氏贈崇國夫人

敕詩人誦后夫人之賢必以為某人之子之孫之甥之妹蓋推本其所從來不一而足也其有某所生母具位沈氏作配名門雅有淑德是生賢嗣為國元舅日者朕緣申伯之誼加錫命數視儀司夫寵其身而不及其母豈所以宏貴外氏之祧乎是生不濡膏沐之賜而死無以慰蓼莪之思也爰自

郡封陞華上國尚欵明恩永縵爾後可

故妻郡夫人諱氏贈寧國夫人

敕公卿將相嚴貴倨之勢而不驕非獨其身賢也警戒相成厥有內助具官某故妻具位諱氏嘗為吾舅氏之配與之共隱約矣今以吾舅申錫命數視儀司敬共不違退若初筮推本所自非有如齊風雞鳴之配然耶夫生有中饋之勞而不及從夫之爵死附於姑之室猶未離於郡小君也則吾外氏之祧尚有遺恨晉陞上國庸慰幽冥尚欵明恩益相夫子可



止齋先生文集卷之十五

外制 自紹熙五年八月以後

皇后初冊封贈三代

曾祖資政殿學士贈少師韓小曾贈太師

敘慶曆嘉祐之盛萬世帝王基業也而弼亮之功惟爾先正
莫及夾葉嗣有衆賢宜爾子孫與國無極具官某踐修政猷
益有令聞夷險一節見於艱難高宗圖舊晉諸樞筦而再入
穹廬將命不辱莫安宗社天下賴之然位不稱德有識同嘆
爰有曾孫來儷寐極朕嘗以國史次韓之事論諸中官以
以績爰因追錫晉陟師垣非以為生蓋禮之稱可

曾祖母秦國夫人王氏贈魯國夫人魯國夫人文氏
贈國夫人

敘維昔忠獻身修家齊被于後昆將相三葉克對前人皆有

內助具佳某氏夙以淑德嬪于相門輔佐君子繼世承弼亦
惟鵲巢國君積行累功夫人起家與享休顯而召南推本以
為德足以配非偶然也是宜儲休載生賢后以綿國祚以大
家聲被封于秦亦既從爵申錫于魯蓋取諸頌使與僖公令
母千載相望豈不榮哉可

祖承議郎贈中奉大夫韓錫贈太傅

勅朕聞堯齊之祀與周並傳漢之封君爰及苗裔矧惟韓氏
之勲度越自昔於是僅三世耳而胡浸微天命弗僭其殆再
昌乎具官某於魏國為裔孫於少師子也學足以克家而宦
不達才足以用世而懷不得試即其靖退足見所存集善為
祥積於閨闈載篤其慶后所自生夫屈於名者享其實不獲
乎其身者遺其後晉班公傳誰曰不宜雖曰緣恩亦足用勸
可

祖母令人馮氏贈 國夫人

枚周人之頌任妣曰是有摯仲氏也是有莘長女也蓋本其
所自出必名邦大族而豈無故之福母儀天下乎具佳某氏
身為少師婦以奉魏祀於是浸微而不病其夫子之不隅敬
共朝夕世守弗違餘慶流光萃于今后詩不云乎君子萬年
景命有僕其僕維何釐爾女士言周之盛天命附著使生淑
媛以為之妃則我式克至于今休蓋祖烈也亦天意也新封
美號為之報本豈惟忠獻將吾祖宗實寵嘉之可

父朝奉大夫提舉節神觀韓 同贈 授揚州觀察使

敕詩人之誦贈后必曰是有摯仲氏也是有莘長子也蓋本
所自來必君侯 世家儲休積慶而豈一日之積哉具官某
魏忠獻公之裔孫也踐脩厥猷益自謹飭嘗試以事茂於材
猷是生淑媛來配潛邸肆朕嗣服正名長秋在詩之既醉曰

君子萬年景命有僕其僕維何種爾女士董爾女士從以孫
子言有士行之女以為之配皆天意也維爾先正功在社稷
德在蒼生以克及此豈非天乎厥里故事必在右選爰解齊
紱改昇廉車宜益靖共以緘寵祿可

母氏贈國夫人

教朕誦周南至於葛覃后妃躬儉節用服辭濯之衣皆其母
家實為之未嘗不忻慕也其位其氏吾后母也以吾后作配
朱邸共蘋蘩之道正陪官獻種桂之種親事煩辱曾無吝
則其素教豈一日之積哉夫區區侯邦而渭陽之恩闕宮之
頌必及其母况以反德流化天下則推尊母氏可無茂恩且
與之共隱約於鷄鳴榔盤之時而不與之共休顯於象服委
蛇之際揆之經誼本之人情皆非稱也昨以上國為君夫人
非徒示私亦足用勸可

少保觀文殿大學士充醴泉觀使益國公周必大登
極恩贈三代

曾祖故朝奉郎贈太師潭國公衍加封秦國公

敕朕嗣守丕圖永懷元老而訪落不與於廟謀也嘗告在廷
晉爵亞傳則所以推本世系以宏賁其先正之祧庸可後乎
具官某曾祖某躬行對于古人官學闡於當世位不稱德士
論惜之夫屈於名者享其實不獲其身者遺其後是宜燕及
魯孫蔚為名臣編儀三事光輔兩朝也則追錄其積行之勤增
華其種德之報大啓土宇晉封三秦非以為生蓋禮之稱可

曾祖母潭國夫人郭氏贈秦國夫人

敕周之公孤並祀五廟以君夫人祔焉而世世享其官某曾
祖母某氏來自名門作配君子躬備勤勞以詔婦子而生無
從爵之榮歿不得與共牢之報天命弗僭是生曾孫為吾輔

臣弼亮受世朕循周制寵綬爾天誰其助之躬躬壽後爰因
舊號俾即新封用賁幽宅尚克永世可

祖故朝散大夫贈太師渾國公 諡封秦國公

敕成王之雅由周王壽考遯不作人蓋婦美文王得人所以
來之遠也具官某故祖其官某世濟其美蔚為名臣然而德
業藏於身聲聞流於時官不過五品而位止郎舍也唯是一
經之教施于曾孫我 高宗采之 壽皇用之天下又安於
是三紀肆朕嗣服獲蒙餘休非河由來者遠歟疇芳報本茲
惟其時鑿封於秦實應經誼可

祖母

敕朕純用周政廣思錫類以褒大吾輔臣之世則燕及閨門
可無追命具官某故祖母某氏儀于前入益謹內則載篤其
慶萃于聞孫方周盛時公侯皆君子也而風入本之衽席以

是為德在鵲巢功在采繁也我儀爾祖克大其後用見家政
庶幾召南從爵大邦以勸命婦可

父

敕周公拜前魯公拜後父子休顯著於春秋胡我元臣遺恨
禰廟此憫章之所內起燦具官某故父某襲美于家學振聲
于世科而雅不善官老於博士功業不見於世而文辭但以
詔後人也然而過庭之訓插架之書淵源駸駸發見於賢子經
文締武天下賴之詩不云乎維其有之是以似之儻微申錫
非所以為義方勸也爰考古誼襲爵為公庶幾周魯交焉相
望不亦榮乎可

母

敕朕既本之經誼為公矧崇報禰廟以修移忠之報則母氏
與享使之匹休亦古道也具官某故母某氏恩斯勤斯

翰我良弼譽在薦紳功在清廟夫嘗同其夫處約於燿火之初而不及同其子處樂於簪裾之後此吾大臣為之補南陔廢蓼莪也象服之弗被魚軒之弗乘有此寵綬足慰居社配食二姑以奉祀其明享哉因其舊號益以新封雖曰邦夏亦足用勸可

觀文殿學士宣奉大夫致仕李彥穎登極恩轉光祿大夫

敕朕以眇躬嗣膺丕緒闕焉懼無以紹列聖之休訪落求助庶幾周成公卿大夫其將何以佐朕也具官某歷事三朝對為元老夫致位丞弼方倚為相而不為苟同竟於謝事昔瞻望之意輕丞相而位不過御史大夫以為身計則不士以為道誼計多見其可尚也肆予紹服久矣里居以卿忠諒則敬之之頌七月公劉之風雅能忘於心乎爰因舊章序進厥秩亦示

永懷以異樂告可

資政殿大學士通奉大夫知潭州王蘭登極恩轉正議大夫

敕朕以眇躬嗣膺丕緒闕焉懼無以紹列聖之休訪落求助庶幾周成公卿大夫其將何以佐朕也具官某歷事兩朝孤立一意方其受重華之託而光輔上皇始初之政忠言謹論不自同於衆人蓋天下嘆其難長慮卻顧不苟安於一時又天下服其遠也肆於紹休適分帥闕以卿忠諒則敬之之頌七月公劉之風雅能忘於心乎爰因舊章序進厥秩式昭水懷亦異樂告可

資政殿大學士通議大夫提舉臨安府洞霄宮黃洽登極恩轉通奉大夫

敕朕以眇躬嗣膺丕緒闕焉懼無以紹列聖之休訪落求助

庶幾周成公卿大夫其將何以佐朕也具官某歷事兩朝蔚為故老方淳熙之季年天下晏然橐子橐矢簡在有府不動聲氣而強本折衝之功自不可掩至於行藏庶幾前朝孫文懿張退傅之倫矣肆予紹服 佚外祠以卿忠諒則敬之之頌七月公劉之風雅能忘於心乎爰因舊章序進厥秩亦示不懷以異樂吉可

朝散郎煥章閣待制兼侍講朱熹 登極恩轉朝請郎

敕朕以眇躬嗣膺丕緒闕焉懼無以紹列聖之休訪落求助庶幾周成子大夫其將何以佐朕也具官某學先聖之道而明於當世之務三仕三已義不苟合天下高之蓋累朝之所嘉嘆而不忘也長沙謀帥強為時起肆予初政式端其歸慶之次對於以勸講朕特虛己聽焉爰因大賚叙進厥秩雖曰

舊章亦朕美意可

權戶部侍郎梁 登極恩轉官

敕朕以眇躬嗣膺丕緒闕焉懼無以紹列聖之休訪落求助庶幾周成卿大夫其將何以佐朕也具官某方以民譽簡在從班肆予初政日月獻納而不記成王踐祚七月在風公劉在雅敬之在頌皆一時者俊為之手自今以始朕日望之爰因大賚序進厥秩雖曰舊章亦異樂告可

在外侍從 登極恩贈父

敕朕方訪落求助自公卿大夫各加地進律矣則推本其世而褒大其家雖禮未有可不以義起乎具官某故父具官某生有種德之勞而位不稱歿享義方之報而何其流之長也以爾某論思獻納著節兩朝肆予嗣服心在王室非忠孝之傳有自來燉增賁禰廟追錫崇階雖曰舊章亦以示勸可

在外侍從

登極恩贈母

敕朕既本之經誼為卿大夫崇建禰廟以侈移忠之報則母氏與享以次申錫使之匹休亦古道也具官某母某氏來自名門作配君子是生賢嗣謝為從臣夫雞鳴警戒之道不篤則過庭之訓不嚴蕘藻不共則甘旨不謹爾某何以能移孝為忠也因其舊號易以新封雖曰邦彛亦足用勸可

在外宰執

登極恩贈妻

敕昔成王燮作世修忠厚其詩曰孝子不置水錫爾類其類維何室家之壺蓋施及臣子不但其身而亦被于室家具官某妻某氏克相夫子蔚為宗工積行累勞致位孤棘惟周人克廣孝思慰滿梱內肆予嗣服緊爾臣隣多助之至則為之推恩燕及閨門雖附于姑亦昨大國非苟為私蓋周道也可

在外侍從

登極恩封妻

敕朕觀二南之詩關雎為皇后鵲巢米蘋為君大夫妻作也則正家之化君臣一體然則力定長秋之位而可無以為爾內勸乎具官某妻某氏以爾夫子嘗為從臣獻納論思夙夜匪懈則入朝有鷄鳴之戒退食有羔羊之德非爾之助申錫命書晉之美號則在初政豈曰不宜可

煥章閣學士宣奉大夫提舉隆興府玉隆萬壽宮洪

邁弟朝散大夫新知陝州遂登極恩母楚國夫人

沈氏加贈魏國夫人

敕朕訪落求助自卿大夫皆加地進律矣士有能尊禰廟至官一品斯足以報本矣而母氏與享為君夫人猶視列國宜益褒崇使之匹美具官某母某氏自名門作配君子遭時不淑萬里違離而勉正勸義庶幾風人所誦汝水之墳南山之側也天命弗替宜享後福肆子踐祚益大爾封晉之

魏邦庸示光寵庶克用勸豈徒舊章可

右丞相趙汝愚初拜贈三代并妻七月丙子拜

曾祖 贈太傅

敕昔周公位冢宰成王為之作魯廟宣王中興則命召虎亦
有秬鬯圭瓚以告文人我相同姓蓋周道也推本其先以致
美報可無褒典以應經誼具官某曾祖具官某躬行對于古
人譽處聞於公族然夷攷其世於漢恭憲王為裔孫於建國
公為嗣子蓋屬未疏也而僅綴道遙之班以其靖退足見所
存夫屈於名者申於實不獲乎其身者遺其後是生曾孫迄
為上相則追錄其積行之勤增華其種德之報朕敢忘周道
乎晉陞帝傳於禮固宜可

曾祖母 氏贈申國夫人

敕昔周盛時公侯皆君子也而周召二南本之衽席以是為

內助之賢德在鵲巢功在來繁也具官某曾祖母具位某氏
出於名門作配公姓身為建國婦以奉漢祀於是浸微而不
病其夫子之不過世無風人無所著見爰及曾孫篤生賢哲然
則取漢上之詩以名其國為 人俾世世享亦二南之意
煥可

祖 贈太傅

敕朕既質之六藝醜勞報本以褒吾相臣之祧則嗣有令德
燕于後昆申命匹休庶幾周召並建五廟不亦宜乎具官某
祖具官某以五公之胄而有學士大夫之習非無富貴之階
而官不達也集善為祥聿生孝子載篤其慶發於聞孫詩不
云乎執之榛栗椅桐梓漆爰伐琴瑟忠孝之門豈一日之積
共我儀圖之宜爵公傳爰錫命書以貴幽壤可

祖母晁氏贈 國夫人

叔詩人之頌婦德必本其家世曰是齊侯之子東宮之妹也
是汾王之甥蹇父之子也其官其祖母其位是氏蓋齊陽之
是也齊北諸是族望甚偉以其父兄子弟風流儒雅名滿天
下則爾以閨門之秀來嬪昔人克教其子得名篤行至於奕
葉遂間兩社揆之風雅無愧在昔 大邦美號饗此後福非
為生蓋德之稱可

父

贈溫國公

叔朕聞之周以魯孝公訓國 而漢亦謂劉德謹重使為大
常以率宗室赫然著于史傳 豈非以帝繫之餘世祿之及
而篤行者難其人乎具官某父具官其踐修厥猷益自力學
被服造次必於仁義而事親之孝庶幾曾閔縉紳先生為之
起敬卒於小官法不應謚而相與誌其墓曰宋篤行君子也
尚論周漢豈非其倫肆其嗣子致位三事朕於是稽經據古

尊為禰廟作邑於溫以寵嘉之積善之報足以不朽可

母李氏贈

夫人

教以 高帝子孫而再世婚姻不於勳侯貴戚而於書生是
宜有子蔚為名儒度越故事以宗人相具官某母其位李氏
又故丞相文正公七世孫也代有家法及爾不違克相其夫
力行孝友秉族百口曾無間言躬自勞苦以成永圖一簪一
珥先入後己是宜發祥萃于吾相夫能使其夫壽於沒世而
銜不及百兩能使其子冠於多士而養不及萬鍾追錫駉章
晉封大國我有異數非爾曷堪可

妻

氏贈衛國夫人

敕朕誦二南之詩勸以義示以正皆室家也我有近臣致位
丞弼顧其內助晚不同休可無愆章以貴泉壤具官某妻其
位某氏雖嬪王族實寒賤也晁李二姑簪珥之望奕世載德

誰其嗣之而爾承休襲美無愧在昔克相夫子遂為名臣夫
與之處約於鷄鳴櫛盥之初而不處樂於象服委蛇之後儻
微追錫得無若汝水之噴南山之側遭世不淑詠歌者乎翻
陽小邦未足言稱晉封於衛庶幾碩人以配二姑永永廟食
可

翰林學士承旨李獻除空文閣學士知婺州改知太
平州

教夫厭直玉堂之廬而紆郡統士之操也閔勞豹尾之班而
便私計上之恩也具位某早以英華簡在列祖晚益蘊藉眷
于上皇遭逢兩朝自守一節蓋高文大冊天下傳誦而微辭
幾諫世莫得聞也肆朕纂緒入惟求舊胡然勇退曳鈴其空
朕亦惟自古詞臣一視中外子羽修令兼為行人相如視草
嘗使于蜀朕獨可以弄翰墨苛留久處卿乎峻延閣之班均

便藩之佚不以寶發而以當塗去繁就簡奠爾整暇夫下無
懷寵之心而上有從欲之意君臣俱美不其臆歟可

正奉大夫吏部尚書兼侍讀蕭田縣開國男食邑二
百戶鄭僑明堂加恩進封開國子加食邑二百戶

敕朕新嗣朕將有事於合宮也遠惟孝武始建漢家之封而
太史談留滯周南不與從事議者惜之朕敢忘儒先乎具官
某經明行修士所高仰不但擢科為天下第一也越從留鑰
晉長天官上皇意也至朕而決迨及盛典式端其歸蓋視漢
有光焉增衍封畝第循故事方資告猷嗣有顯權可

朝請即試禮部尚書兼侍讀蕭蒙封普成縣開國男
食邑三百戶

敕朕新嗣朕日有事於合宮兢兢焉懼不閑於禮而無以接
三才之與也明乎郊禘之義治國其如示諸掌乎顧朕曾何

以得之具官某吾舊學也切磋經誼及於春秋郊禘之際嚴
矣有一不敬至於四卜至於改牲仲尼正色書之以詔萬世
朕所深致戒焉肆予初禋克輯盛典本所自來簡在三益徹
之上田第循故事可與治國非卿誰哉可

中奉大夫試工部尚書趙彥逾封祥符縣開國男食
邑三百戶

敕朕新嗣服日有事於合宮兢兢焉懼不閑於禮而無以接
三才之與也詩不云乎相維辟公天子穆穆朕嘉賴焉具官
某吾宗英也使于四方拔葵之操雖天下能誦之比冠從班
賢勞忠瘁太節不奪則世未之聞也肆相子祀克有上儀
徹之士田第循故事方圖爾功永稱殊渥可

中奉大夫權刑部尚書兼侍講南昌縣開國子食邑
五百戶京鏗封開國伯加食邑二百戶

敕朕新嗣服日有事於合宮兢兢焉懼不閑於禮而無以接
三才之與也詩不云乎相維辟公天子穆穆朕嘉賴焉具官
某以海內之英有言有績而執禮行於蠻貊遺愛被於江漢
往往薦紳能言之曳履從班義形於色賢勞忠瘁世莫得聞
也肆相子祀克輯上儀增衍封腹第循故事方圖爾功嗣有
顯權可

朝議大夫試御史中丞謝深甫封臨海縣開國男食
邑三百戶

敕朕新嗣服日有事於合宮兢兢焉懼不閑於禮而無以接
三才之與也詩不云乎相維辟公天子穆穆朕嘉賴焉具官
某以海內之英有言有績輦下彈壓不怒而威而回天之力
見於瑣闥迺若論思義形於色賢勞忠瘁世莫得聞也肆相
子祀克輯上儀徹之士田第循故事方圖爾功嗣有顯權可

朝散郎試尚書吏部侍郎兼侍講彭龜年封清江縣開國男食邑三百戶

敕朕新嗣服日有事於合宮兢兢焉懼不開於禮而無以接三才之真也傳不云乎誦詩三百不足以一獻非深知其義者將誰與講明之具官某吾舊學也切磋經誼及詩一編蓋自二南至我將之頌九交神明之道反覆言之肆予初禋克輯盛典非有感於此歟胙之食采雖循舊章無言不酬於是焉在可

中順大夫守給事中兼直學士院兼實錄院同儉撰樓鑰封奉化縣開國男食邑三百戶

敕朕新嗣服日有事於合宮兢兢焉懼不開於禮而無以接二才之真也詩不云乎相維辟公天子穆穆朕嘉賴焉具官某以海內之英紳有譽處蓋嘗久勞螭坳矣遂陟掖垣遂躋

瑣闥不愠不喜天下誦之若夫襄封憤奏備極剴切於爾取具世莫得聞也肆相予祀克輯上儀衛之土田第循故事方圖爾功嗣有殊渥可

朝奉大夫試中書舍人林大中封永康縣開國男食邑三百戶

敕朕新嗣服將有事於合宮也遠惟孝武始建漢家之封而大史談留滯周南不與從事議者惜之朕敢忘前御史乎具官某以海內之英譽處甚美嘗盡忠粹侃然一臺之上矣越自外服晉陟詞垣式端其歸遂相予祀蓋視漢有光焉胙之食采第循舊章其益論思以稱簡權可

朝議大夫試右諫議大夫張叔椿封永嘉縣開國男食邑三百戶

敕朕新嗣服日有事於合宮兢兢焉懼不開於禮而無以接

三才之與也詩不云乎相維辟公天子穆穆朕嘉賴焉具官
某以海內之英綽有譽處方平居時恂恂唯謹而侃然正色
一臺之上言人所難肆予初政褒貶家宰爰長諫垣僉曰汝
諧也實相予祀克輯上儀撤之士田第循故事方圖爾功嗣
有寵數可

朝奉大夫權尚書吏部侍郎孫連吉封廬陵縣開國
男食邑三百戶

朝奉大夫權尚書工部侍郎兼侍講黃艾封莆田縣
開國男食邑三百戶

敕朕新嗣服日有事於合宮兢兢焉懼不閑於禮而無以接
三才之與也明乎郊禘之義治國其如示諸掌乎願朕嘗何
以得之具官某吾舊學也蓋嘗與習禮矣每至於掃地而祭至
敬無文九盡內心之道反覆言之肆予初禋克輯盛典非有

感於此歟昨之食采雖循故彛無言不馴於是焉在可

太中大夫權尚書戶部侍郎兼脩玉牒官建安縣開
國男食邑三百戶奉詔友進封開國子加食邑二百
戶

敕朕新嗣服日有事於合宮兢兢焉懼不閑於禮而無以接
三才之與也詩不云乎相維辟公天子穆穆朕嘉賴焉具官
某以軼群之才有言有績權下彈壓外戶不閑民曹之令郡
國晏然迺若論思義形於色賢勞忠瘁世莫得聞也肆相子
祀克輯上義增衍封股第循故事方圖爾功嗣有顯權可

中大夫權尚書戶部侍郎西安縣開國男食邑三百
戶梁進封開國子加食邑二百戶

敕朕新嗣服日有事於合宮遠惟孝武始建漢家之封而太
史談以留滯周南不得從行為恨朕敢忘從臣子具官某積

有民譽晉貳地官蓋方盡瘁於朝矣銜命比庭越在萬里之外肆予肇裡獨不侍祠朕是以於漢事有感也增大食永庸示水懷曷月適婦將有中錫可

朝請大夫權尚書禮部侍郎許及之封永嘉縣開國男食邑三百戶

敕朕新嗣朕日有事於合宮兢兢焉懼不閑於禮而無以接三才之奧宗伯掌禮朕之所嘉賴也具官其以海內之英紳有譽慶方貳春官以禮組予自首牲視滌丸玉幣爵之事至於告時至於告備治及竣事禮無違者胙之食永蓋循舊章方醜爾勞嗣有寵數可

朝散郎煥章閣待制侍講朱熹封婺源縣開國男食邑三百戶

敕朕新嗣朕將有事於合宮兢兢焉懼無以接三才之奧也

爰求儒先來相予祀具官某經明行脩士所高仰而越在藩朕朕敢忘之乎昔者孝文受釐宣室召見賈誼而武帝建封願使太史談晉滯周南不與從事二帝優劣於是乎見此朕所以式邁爾婦也徹之士田雖循故事顯俊尊帝蓋庶幾焉可

止齋先生文集卷之十六

外制

特選觀文殿大學士提舉臨安府洞霄宮廣陵郡開國公食邑五千三百戶食實封一千五百戶葛邲明堂加恩加食邑五百戶食實封三百戶

敕朕新嗣服日有事於合宮兢兢焉懼無以接三才之與也駭奔在廟豈無辟公金玉爾音尚想故老具官其歷事兩朝蔚為元輔蓋嘗温恭朝夕執事有恪侍我烈祖爰暨上皇執珪帶見上帝者屢矣肆予肇禋均佚就國相維穆穆於以永懷方周盛時微子以二王之後率來助祭有客頌之孝武始建漢家之封有臣如太史談而以留滯周南不與從事為恨朕雖不能比德於周邦視漢有光焉其因舊章增大食采非苟為恩蓋示不遺之意可

在外宰執明堂加恩

敕朕新嗣服日有事於合宮兢兢焉懼無以接三才之與也
駿奔在廟豈無辟公金玉爾音尚想着俊具官某歷事烈祖
蔚為宗工蓋嘗齊明盛服習於侍祠之禮矣肆予肇禋均佚
分間相維穆穆於以永懷方周盛時有客助祭詩人頌之孝
武始建漢家之封而太史談留滯周南以為恨朕雖不
能比德於周抑視漢有光焉其因舊章增大食采非為為惠
蓋示不遺可

在外侍從明堂

敕朕新嗣服日有事於合宮兢兢焉懼無以接三才之與也
駿奔在廟豈無辟公金玉爾音尚想着俊具官某簡在烈祖
蔚為名臣蓋嘗齊明盛服於侍祠之禮矣肆予肇禋均佚殊
館外服或云越在輔郡或云越在相維穆穆於以永懷夫留太史

於周南自昔浩嘆對賈生於宣室至今羨談朕覽漢事豈
能愬然於卿等乎爰因舊章增大食采非為為惠蓋示不
遺可

張淑妃明堂恩贈三代

曾祖

敕朕有事於合宮既蒙嘉貺均休於戚里益廣後恩眷言妃
德之賢夙備皇宮之列爰稽邦典追賞曾門具位某氏故曾
祖某謙和本於性資醇厚推於鄉黨善修於身而不享其報
慶流於後而端有其原迨其三世之孫遂應四星之象茲盼祭
澤爰賦師垣精爽如存寵光是服可

曾祖母

敕備慈庭之妃掖象應四星敷於私門寵及二世具位某
氏故曾祖母某氏柔嘉協淑謹派徽好善稱嬖族之間

種德及子孫之遠是生賢女 選皇宮慶需漏泉卹章告第
懿魂未泯新渥其承可

祖

敕朕肇感禮於明堂敷大賚于天下惟慈宮之妃列夙膺皇
眷之隆加異典於私庭實率邦彝之舊具位某氏故祖某官
某善積於已行信於人報不在於一時慶乃流於再世澤被
女孫之淑象應四星
之恩寵齊三事茲開大國載錫
總書泉隧有光靈魏式慰可

祖母

敕庶事備成湛恩汪濊乃眷四妃之貴列于皇宮爰加再世
之封賁其祖配具位某氏故祖母某氏相夫以勤儉為本肅
後多福慶之儲孫枝生賢門楣遂大朝敷祭澤邦有舊章爰
改昨於營丘尚歆承於褒命可

父

敕方被神釐慶成三歲水言妃德象應四星爰加懿章用慰
稱廟具位某氏故父某官某勅躬有慶操行靡它豹畧之才
高於革行鷄鳴之配出於閨門茲誕布於湛恩宜追賜於卹
典爰因舊爵改畀新封精爽如存寵光足服可

母

敕朕方謹親祠恩如湛露亦懷妃掖念在蓂莢爰按邦彝載
盼贈典具位某氏故母某氏蔚有婦德克相夫家凡此嬪則
之賢莫匪母儀之訓生蒙象服既極寵光沒啓芳封又多福
履茲敷惠澤更建名邦尚克歆承以慰冥漠可

右丞相趙汝愚 明堂恩贈三代

曾祖 贈太師

敕朕觀成王踐作肇稱盛禮端美辟公相維穆穆文武宣哲

燕及皇天朕甚慕焉屬茲受釐無德不報蓋周道也具官某
曾祖具官某積有善祥輩及來裔是生者哲為吾相臣維周
公孤並建五廟賜也婦胙洵有寵嘉實爾曾孫共輯熙事當
制亡失何以崇報爰頒異數晉陟師垣庶幾疇勞無愧在昔
可

曾祖母 氏贈陳國夫人

敕周之祭澤至於既醉盛矣其詩曰孝子不匱永錫爾類其
類維何室家之壺則施及臣子不但其身而亦被于室家具
官其曾祖母具位某氏克相夫子行修閨門羊生曾孫間我
兩社朕惟周人推廣孝思慰滿祖內於茲初裡佐佑乃辟實
維爾孫則綏以寵光昨以大姬之國朕敢忘周道乎可

祖 贈申國公

敕朕閱宗人之譜蓋因侍祠追錫其祖父尊寵多矣未有子

孫致位三事而後及此者具官某祖具官某雖在天族猶寒
峻也克世其家濟以清約是生良弼簡在兩朝如周諸姬如
唐諸李於是履越比例及於茂恩矧惟肇裡澤及四海爰錫
公爵作都于申其視宗牒不有光歟可

祖母是氏贈吳國夫人

敕維昔宗婦不少概見而衛有碩人曾育令母於周諸姬獨
著名於六藝豈不盛哉具官某祖母具位某氏以濟陽之是
來奉漢祀迺生孝子名在薦紳迺生聞孫功在清廟肆朕祭
澤洽比幽明申命于吳增大爾邑蓋與衛姜曾母相望千載
亦足為宗婦之勸矣可

父 贈 國公

敕朕讀史至漢興以來宗室子弟無得公卿位者而坐耐
金奪國動以百數未嘗不慨嘆也於是既祠純用周政策

宗輔告其文人申錫名邦宏賁禰廟具官某父具官某以同
姓而行誼篤於韋布以右選而聲聞賢於儒林即所躬行施
及其子遂魁多士遂冠徒班擢自樞筦徑司宰事譬昔之夕
相子合宮三靈具依百福乘下洪惟我家生此賢祗本支百
世與周匹休下視漢事則九原可以自慰矣可

母李氏贈異國夫人

教朕既舍爵書勞為公卿大夫崇報禰廟則母氏與享可無
褒典使之匹休具官某母具位某氏嘗相其夫以孝聞於四
海嘗教其子以賢著於三朝日者爾子相予世室克輟盛儀
而可忘所自乎因其舊號錫以新封我圖異方用以命汝其
世世享以綏後人可

妻 氏贈益國夫人

教魯人之頌僖公至於閔官享祀不忒及其令妻以是為內

助之賢也具官某妻具位某氏嘗與吾相臣共隱約躬定省
想夫蘋藻之共俎豆之飾以薦時事無或不虔也日者合宮
而爾夫有駸奔之恭無跛倚之色推本內助賢於魯人我錫
贊書晉封於益美斯作頌侯邦之私孰如爾名藏在王府可

知樞密院事兼參知政事陳騏

明堂恩贈三代

曾祖贈少保敬贈太保

教朕觀成王踐阼肇稱盛禮而歸美辟公相維穆穆文武宣
哲以克燕安甚心慕之厲茲受釐無德不報蓋周道也具官
某曾祖具官某躬行對于古人汎愛聞於鄉譽而懷道不試
士論惜之集為善祥暈及來裔是生者誓為吾樞臣維周二
孤並建五廟賜宅歸胙洵有寵嘉資爾曾孫共輯熙事而周
制亡矣何以崇報申錫命書晉陞帝保以義起禮亦庶幾焉
可

曾祖母滕國夫人成氏贈福國夫人

敕周之祭澤至於既醉盛矣其詩曰孝子不匱永錫爾類其類維何室家之壺則周家忠厚施及臣子不但其身而亦被于室家具官其曾祖母具位其氏克相夫子行修閨門是生曾孫功在宗社且夫既醉非旅酬之事歟推廣孝思慰滿相內况朕初裡懼闕於禮佐佑乃辟實維爾孫則綏以寵光為之報本侈其舊封册以上國朕何愧於周乎可

祖贈少傅策贈太傅

敕朕既本之六藝不愛高爵以宏賁陳氏之桃則嗣有令德休于後昆可無褒典以應經誼具官某祖具官某當天下之清得幽人之履太史之觀風不講而文采無以自見孝廉之科廢而實行不上於計書也天命弗僭為之生孫既長樞庭又陪國論推本所自當及茂恩肆子初裡疇勞相祀宜及爾

考並為三公荷天之休其世世享可

祖母崇國夫人朱氏贈福國夫人

敕既醉之卒章曰雍爾女士從以孫子言周之群臣皆有土行之女以為之如使生賢智子孫是以傳世具官某祖母具位某氏夙以懿行嬪于名門儀于前人以詔婦子載篤厥慶華於聞孫夷攷其行不足以當既醉之卒章乎有崇故封未足言稱大邦美號聿從其姑質之二雅誰曰不可可

父贈少師謹贈太師

敕自亞保以來及是三葉蓋王室百年之間而幼躬壽後如一日也於吾宗工尊為禰廟朕豈敢盡於禮乎具官父具官某義方之教不以蘆金陰德之傳不以駟馬成我碩輔蔚為宗工緯武經文何鄉不可是不謂之賢考歟日者合宮有嚴美報生民尊祖視古不慙而大臣之禰位不稱德以卑臨尊

殆非周道申錫賢書冠班九棘非以為生蓋禮之稱可

母祀國夫人成氏贈福國夫人信國夫人王氏贈

福國夫人

救為吾股肱之臣上自三世皆褒大之而況於其母乎御不及百兩養不及萬鍾也而無以慰之予心惻焉具官某母具位某氏承休襲美發育有躬恩斯勤斯鞠我良弼采蘋所共雜佩所贈恭儉精白無非教也揆諸周制則被以象服乘之魚軒為君夫人敦爾宜者亦視王母並建大邦雖曰均登誠有以致此矣可

妻 氏封

救朕誦二南之詩流於采繁相與共祭自天子達皆內助也仲尼序詩定為篇首寓意深矣具官某妻具位某氏來自名門克相夫子會期有鷄鳴相警戒之道而退食有鵲巢致節

儉之德日者合官而駸也相予肆祀吉蠲齋明迨及竣事禮無違者則豈唯關雎之助哉而爾亦與有勞矣錫之美號爰示寵光雖曰舊章實應經誼可

給事中兼直學士院樓鑰

明堂恩父贈通奉大夫

璩加贈正議大夫

救朕既舍爵書勞自卿大夫以次第賞矣則推其世家為之報本雖禮未有獨不可以義起乎具官某故父具官某生為才大夫而用不盡歿為賢考而何其流之長也屬于初禋百執事在廟爾鑰不但駿奔匪懈而發揮潤色凡祀之大號皆稱朕意非爾素教而克然燮追錫有爨爨進厥秩非以為生亦德之稱可

權吏部侍郎孫逢吉等 明堂恩贈父

救朕既舍爵書勞自卿大夫以次第賞矣則推其世家為之

報本雖禮未有獨不可以義起乎具官某故父具官某生有種德之美而位不稱歿享義方之報棟煥叛碑顯云生為耀而何其流之長也屬予初裡百執事在廟爾某不但駿奔匪懈而敬之顯思之戒日徹於聽聞也躬躬盡後非爾素教之所自來歟追錫有彛爰進厥秩非以為生亦德之稱可

煥章閣待制侍講朱熹 明堂恩贈父

敕朕方舍爵書勞自吾後臣以次第報則推本世繫及其禰廟皆寵綬之亦祭澤也具官某故父具官某少而英發晚益深造渡江諸老多其師友嘗歷郎闈秉史筆力詆和議緒正謗史蓋官雖薄而志在於天下後世也位不稱德識者恨之屬子肇裡有嚴美報則爾有賢子勸講路門可無褒典以慰罔極之懷乎追錫崇階用貴泉壤非以為生亦德之稱可

母

敕朕既為知大夫宏賁禰廟以侈教忠之報則母氏與享可無申錫使之匹休具官某母具位某氏来自名家克相夫于本之純厚申以敬恭其仰而事姑備極順適俯視媵御又何其不察察也是宜篤慶聿生賢子蔚為儒宗名滿天下則加以美號用慰孝思我有茂恩宜不汝吝可

右諫議大夫張叔樞 明堂恩贈母

敕朕方舍爵書勞自卿大夫以次第賞則為之報本及於母氏使匹休於禰廟不亦可乎具官某故母具位某氏克相大雅如商甘盤復生賢嗣如唐瑚然而生不得與於從爵之榮晚不得享夫五鼎之養儻無愍章以貴幽壤何以慰爾之塵蓼莪也因其舊號益以新封雖曰邦彛亦足用勸可

妻

敕朕誦二南之詩勸以義勉以正皆室家也我有芘班豈無

內助具官某故妻具位某氏儀于前人克濟其美遂相夫子為吾諍臣夫與之處約於雞鳴榔盥之初而不與之處樂於象服委蛇之後儻無追錫得無若汝水之墳南山之側遺世不淑詠歌辛若者乎爰錫楮書以賁幽宅可

孫逢吉

明堂恩妻恭人李氏封令人

敕朕誦二南之詩至於流苴采蘋相與共祭自天子達皆內助也故詩人誦之仲尼定為篇首其意深矣具官某具位某氏以爾夫子為吾從臣肆予初禋執事有恪以朕之獲助於長秋則爾亦可以

職之賞矣晉封美號庸示寵光雖

曰舊章實應經誼可

在外侍從

明堂恩贈父

敕朕既舍爵書勞自卿大夫以次第賞矣則推其世家為之報本詩不云乎孝子不匱永錫爾類蓋周道也具官某故父

具官某生有種德之勤而位不稱沒饗義方之報而何其流之長也屬予初禋有嚴美報生民尊祖視古不慚而可以忘爾某之稱廟乎本之經誼追錫崇階非以為生亦禮之稱可

在外侍從

明堂恩封妻

敕朕誦二南之詩至於流苴采蘋相與共祭自天子達皆內助也故詩人誦之仲尼定為篇首其意深矣具官某妻具位某氏以爾夫子為吾從臣肆予初禋克輯盛典則豈惟長秋之故亦爾巨工嬪婦

其流及上則不失職之賞庸可後

乎晉封美號爰示寵光雖曰舊章實應經誼可

汪大定知力江郡

敕具官某嘗為嶺南郡卓然以廉惠聞而無以旌異之何以勸遠更乎九江名邦收以選授是用命汝式賞賢勞益圖民庸以俟迪簡可

倉部員外郎注祥陞郎中八月十四日除

敷以日月為功固非所以待賢能也而功令亦不可廢况晉陟為郎與員外置者絕有間抑之以昭宿業勸寡過庸可廢乎可

朝散郎江西提舉汪逵除員外郎

敕具官某難進易退賢士之操也爾某議禮容臺浸有休閑汲汲焉以外服為請雖留行不顧也將指奏公亟頒召節則舒遲累月翔集可觀是不謂之士操歟郎聞之選南宮景清往其欵承踐修家學可

中奉大夫提舉冲佑觀豐誼除吏部郎官奉議郎王


聞詩除考功郎官並九月八日

敕具官某等任至於刺史二千石亦通顯矣而浩然有歸志是不謂廉退之操歟爾誼持節湖湘吏畏其敏而固稱老爾

聞詩秉麾淮向民安其寬而固諗疾朕以是嘉之俾還郎省分治銓事往祗成命毋有邀心可

止齋先生文集卷之十六

止齋文集卷之十六



止齋先生文集卷第十七

外制

同知樞密院事京鏜初除

曾祖贈太子太保



勅昔宣王中興登用將相必推其世系本之始祖自南仲召
虎韓侯之雅皆為此言謂是文武成康之世積累致然而非
一日之故也具官某故曾祖某躬行對于古人鄉譽高於月
旦而懷道不試有識惜之爰及曾孫遂生賢佐夷考其世則
朕之得人所自來遠原始根本可獨愧於周乎追錫官保視
儀孤卿雖白舊章實應經詔可

曾祖母 氏贈郡夫人

勅周之公孤並建五廟以君夫人祔焉而世世享亦惟辟臣
能有功於國者必有助於其家者也具官某故曾祖母某氏

來自名門作配君子躬備勤勞以詔婦子而生無從爵之榮
歿不得與於共牢之享天命弗僭是生曾孫為吾輔臣以明
樞筥朕循周制寵綏爾夫申錫郡封視古命婦用賁幽宅亦
足以報可

祖 贈太子少傅

勅成王之雅曰九周之士不顯亦世世之不顯厥猶翼翼思
皇多士生比王國蓋言周之得人繇文王以來世家之所由
生也具官某故祖某克承其緒以紹前聞因之以共儉加之
以惠和至于生孫偉然入望佐我宥府海內晏然揆諸周人
寅念祖烈及其世家則爾勅躬盡後可無褒典以慰居性命
之儲傳於禮固宜可

祖母

勅朕既純用周政廣恩錫類以褒大吾輔臣之世則燕及聞

門宜有追命使之匹休具官某故祖母某氏儀于前人益謹
內則載篤其慶萃于聞孫方周盛時公侯皆君子也而風人
本之衽席以為德在鵲巢功在采芡也我儀爾祖克大其後
用見家政庶幾台南為君夫人斯禮之稱可

父

勅為吾股肱之臣褒及三世而况禰廟乎周公拜前魯公拜
後亦周道也顧今九原已不可作此憫章之所由起歟具官
某故父某官某德積於身而位不過八品行修於家而功業
不見於世過度之訓施於嗣人而資父之忠簡在烈祖肆朕
績緒擢為樞臣天下賴之繫爾之訓詩不云乎維其有之是
以似之不有甲錫非所以為積行種德者勸也爰考古誼爵
為公師其始自今不一而足可

母

勅朕既本之經誼為卿大夫崇報禰廟以修教忠之報則母氏與享以次寵綏使之匹休亦古道也具官某故母某氏某氏來自名門作配君子是生賢嗣蔚為樞臣譽在薦紳功在清廟夫鷄鳴警戒之道不篤則一經之教不嚴蹟藻不共則甘旨不謹爾雖何以能移孝為忠也因其舊跡益以新封雖曰曩章亦足用勸可

工部尚書趙彥倫除端明殿學士知建康府恩數

依執政月十八日

勅維我烈祖作新同姓使與天下寒士共趨功名之會蓋一時興起藹然多名卿大夫矣朕方相其魁傑而次第用之以昭我烈祖作人之盛具官某奮自儒科積有民譽蓋拔膏梁之習而獨清修苦節甚於布衣豈惟不以高帝子孫自居而謙讓唯謹不敢遺於僮僕也肆朕嗣服而忠勞見於大節之

際夷考周漢同姓有幾則朕將何以對揚烈祖之意昔周人叔康王之事而孜孜於仲山南宮毛漢錄代來之功而額獨後朱虛之賞二代治効醇純與其俗淳厚於是乎見是用極之以祕殿之隆名申之以 轄之異數分暨晉都增大食采凡所以尊寵卿至矣尚其懋哉毋忘忠報可

右正言黃度除直顯模閣知平江府乞祠祿差主管

冲佑觀

勅具官某昔者汲黯薄淮陽而願備左右捨遺補過蓋天下不以黯為懷寵而咎漢武之不容直士也姑蘇近輔朕重其牧以爾度稟材厲操濟以惠和是用輟從諫省以重比門而不屑就若爾度有汲直之風矣無乃使朕但漢武乎從欲奉祠固非朕意母為考槃永矢弗告則予汝懷可

新除考功郎官王聞詩覃恩轉官

勅具官某朕方罷祠而爾適歸留之即闢以濟世美緣恩進
秩又率舊章視漢賈生召對宣室而不見用爾不謂之遭時
乎可

知靈國府木待問除煥草閣待制

勅朕方隆孝治瞻言懿美昔者所進今誰在乎將第其功而
何舊學越在外服也具官某蚤以擣筆簡在烈祖脫而勸講
眷于上皇胡然江湖荏苒歲月一時輩作迭為三事而猶紆
宣成之組半自魁多士及班從官於今守宣事又論定而又
遭歲不收克究爾心詎瘳起痾闔郡見德朕覽奏計益嘉賢
勞次對而清我有異數一朝疇之誰曰不可可

尚書吏部員外郎林季友除右司員外郎九月二十

勅具官某詩不云乎彼都人士狐裘黃黃其容不改出言有
章爾某似之輟從郎闈來採宰事蓋將試可以究爾能尚其

懋哉母曰序進可

韓愈直致仕

敕三朝法從方欽企於告猷奕世賢勞何遽聞於謝事始惟
從欲蓋亦疏恩具官某顯允材猷懋昭聲聞以雲臺功臣之
後奮自儒科以壁水寒峻之交明於世務踐更中外嘗試險
夷投之於撥煩而成且強之以易武而不愠至於歸休殊館
殆遺簪紱之榮論次本朝雅有簡編之樂肆予初政懷此舊
人屬袍沉疴竟安居里亟須新渥猶阻待朝覽奏膺之所陳
想拖紳之何及晚節末路固莫奪於忱辭故國世臣尚益綏
於壽嘏於焉增秩抑又念功可

四川制置使奏辟知州慶符縣謝辛討捕叛夷有

勞身死特贈

敕某官以攝官而冒萬死以保縣而奏膚公有臣如此而

無位無年可為嘆惜也追錫一秩寄於異恩以慰沉寘且勸來者可

煥章閣待制知鄂州 信知池州

敕故事以待制而上官典于大州大抵以望郡多宿兵耳朕方以此意擇牧敢輕授乎具官其奮於書生而為才大夫肆我烈祖簡在法從代言掖垣 敕瑣闥議論風指聳閭時蓋薦紳翕然以為落筆妙天下也晚領名藩屢聞最課夫鄂渚池陽今江湖重兵處也萬竈與民居相錯而介士往往不樂於文吏朕即已試自鄂徙池爾其深知托重之意而不厭薄以是為煩調護也而非苟易置則子汝嘉可

端明致學士中大夫新知建康府趙彥逾改除四川

安撫制置使兼知成都

敕分闡於外蜀為專宿師於邊蜀為重欲省賦以裕民又蜀為急而比年謀帥多輟從臣朕擇其人班在丞轄尤所以加

惠蜀也具官其廉足以律百吏之貪靜足以應多故之變簡在兩朝績用甚茂至於試之撥煩而無難辭居之絕遠而無溫色又何其過人也羽儀禁涂物望愈備肆朕嗣服益見忠操引以自近宜在本朝朕亦惟自昔功業之臣一視中外鄭武相周義和統國鄴侯當軸平陽徂齊以卿一意首公無有遐邇其為朕崎嶇萬里以寬西顧官顧介然于懷歟昔在神考亦強趙并而今朕所以煩卿又自有意意周以宗強苟不居中必為二伯此王道也非朕所以煩卿之意乎式盡其端日月可冀可

新除江東提刑陳公亮除福建轉運副使

敕具官某凡持橐內之節往往雅意本朝也爾詳刑于郊風績甚茂簡在慈宸行且遄歸而秉心無競固自引卻將輸江表亦非其好我圖爾居莫如閩部會使者易地爰改畀爾其

為朕通八郡之鹽筴以紓吾民則朕以懌可

趙渙補官

敕具官某曆學不精占天者病之爾以家傳蓋究其術自吾賢士大夫亟稱焉取諸右階使為保章氏其與疇人訂正疏略以成吾敬授人時之志可

潛邸有勞轉官

敕具官某朕第疇潛邸之勞雖小臣不忍遺而亦不敢私也以爾歷年稱久庸進士階其尚靖共母曰倖得可

薛登降兩官

敕具官某古之人重請而况違三尺以請乎違三尺以請且不可又以不得志焉而咎所從請之人宜鑄兩階以警貪冒可

骨舜輔隨金國賀正使充引接儀範回程循修職郎

敕具官某凡出疆者有賞所以勞苦之也爾嘗隸使事與卒驅馳爰進一階且書於籍為賞亦不薄矣可

趙公介知舒州

敕具官某能舒於淮為名郡擇守往往皆名流也爾所試更雅有治稱蓋薦紳翕然以為通才爰付此土以究爾能尚其懋哉以圖報効可

趙蕃知嘉定府

敕具官某爾以蜀之人望之予而典州有治行是用明陟昇爾潛藩矧嘗為別駕民譽謫然於馬令符可謂衆允詩不云乎維其有之是以侶之益茂乃績無忝所生可

淮西提舉張同之磨勘合轉一官乞回授封母

敕具官某以年勞增秩其在功令會計至纖悉也而爾同之固請勉恩於母是足以發明人子之心矣詩不云乎是用作

敬將毋來論此周所以勞使臣也爾方馳驅淮甸勞來安集
吾民則朕豈有愛於此哉可

朝奉大夫江東提舉陳士楚除吏部官九月二十一
敕具官某爾必舊學之臣持節行郡且滿歲矣趣歸郎省以
慰永懷經說一編尤在藏史朕方資之潤色初政無言不酬將
有殊渥可

閣 朝奉郎湖北提刑陳謙收捕徭寇有勞特除直學章

敕具官某有以書生而可以即我是不謂之長才燉爾某嘗
有位於朝矣不在下僚無以著見試之劇郡談笑而理越持
湖節遂克徭寇誠得如數十輩萬物吐氣非爾之謂乎寓直
延閣姑以勸功實諸周行諱曰不可可

汪楚材王圭收捕徭寇特轉三官

敕具官某徭人化邊爾以戶掾攝機幕班繼耘爾能帥其族
不日克之有司差其獲級宜進三階悉以畀汝以勸果毅可

知宜州沙世堅收捕徭寇有勞特轉團練使

敕具官某爾威名著於嶺南薦紳能言之比擢自遠服改昇
郡符而桂林之奏牘始至日者討平徭人爾功居多朕益壯
之粵自刺州寵以戎團之峻賞不踰時吾豈愛此義不辭難
汝將安報乎可

知饒州樂平縣楊簡除國子博士九月二十七日

敕朕方崇長學校所以加惠諸生甚渥也則聯教事於其間
宜得名士爾簡蚤有賢譽不求聞達徒勞縣章益務持養是
以不俟滿歲俾長胄子豈惟諸生又以為善類勸也可

廣西提刑胡長卿除廣西路轉運判官主管冲佑觀
張玠除廣西提刑

敕具官某嶺南去朝廷遠而民困於益焚之數易枉於訟鉅之偏聽朕惻然念之為擇膚使以爾長卿嘗司集事晉之輸漕以爾玠嘗持湖節俾之詳刑其各為朕布宣德意以惠遠氓則朕以懌可

國子正陳希點太學錄湯壽並除太學博士以明二十敕具官某朕新嗣服崇長學校所以加惠諸生甚渥也則聯教事於其間亦盍序進矣爾希點爾壽俱以名勝來掌學士之版譽處藹然也晉之講席發明經意食曰汝宜則朕以懌可

祕書省正字李壁除校書郎九月二十九日

敕具官某詩不云乎君子有之維其有之是以侶之以爾先人文墨議論之選而垂名千載但見於史筆宜爾之能嗣其業也校讐冊府益博爾文鴻漸之序於是焉始可

主管架閣文字陳益除國子正戴溪除太學錄並十月敕具官某朕方崇長學校所以加惠諸生甚渥也則聯教事於其間宜得名士爾溪爾益皆以經行教授于鄉從游之獲滿戶外也凡學之胄子與國俊造爾其為我糾治校數之益自著見以頌明陟可

端明殿學士四川安撫制置使趙彥逾贈三代

曾祖少師崇國公謚清簡 加贈太傅

敕朕閱宗人之牒蓋追錫其祖父尊寵多矣未有子孫以功名著見致位丞轄而後及此者具官某故曾祖具官某雖在天族猶寒暖也克世其家濟以清約易名之謚同姓蓋鮮是豈苟得之哉迺生曾孫簡在法從肆朕嗣服厥功甚茂於是度越九例及於異恩而爾亦自三孤晉陞帝傳其視宗牒不有光乎可

曾祖母崇國夫人 氏加贈 國夫人

敕婦德為難而宗婦尤難其人也朕觀詩人之誦賢婦於諸
姬獨稱魯衛豈不謂之難歟具官某曾祖母具位某氏出於
名門作配崇國素純自持動有軌度假使生周之時則衛姜
魯母之倫矣侑食于宗於禮為稱晉封大國又以聞孫凡爾
宗婦視此用勸可

祖 加贈太子太傅

敕朕觀漢宗室以恩澤侯且王者何限曾不長久往往國除
世祿之家鮮克由禮古人所以歎息也具官某故祖具官某
以崇國之子益自好修克勤克順以詔厥後至於孫子遂為
餘臣而朕亦追錄其種德之功為之美報粵自右階亟躋宮
傳其視漢王侯自著浸微何相絕也尚克有知是以自慰可

祖母淑人 氏贈 郡夫人

敕詩不云乎藝之榛栗椅桐梓漆爰伐琴瑟况得才而用之
而不錄其所自生非詩教也具官某故祖母具位某氏作配君
子行修於家覃及其孫迺生才美周人作頌祖妣攸同蓋未有
不獲助於其內而收効於其後者粵自命婦疏以郡封為君
夫人實應經誼可

父 加贈太子少師

敕自帝傳以來於是三葉而義方之教何其獨隆也具官某
故父具官某以王公之胄而有士大夫之習非無富貴之階
而宦不達也集善為祥聿生賢子清名特操庶幾儀休其視
漢儒不以簾金而以一經不以駟馬而以陰德殆無愧焉竈
之宮師雖曰褒典非以為生蓋德之稱可

妻淑人 氏贈 郡夫人

敕朕誦二南之詩勸以義勉以正皆室家也我有近臣致位

承弼顧其內助晚不同休可無愍章以貢泉壤具官某故妻
具位某氏儀于前人克濟其美遂相夫子曳履從班夫與之
處約於鷄鳴盥櫛之初而不與之處樂於象服委蛇之後儻
微追錫得燕若汝水之墳南山之側遭世不淑詠歌辛苦者
乎粵自命婦疏以郡封爾其享哉永祔姑室可

龍圖閣待制知潼州府閣蒼舒除煥章閣直學士提
舉江州太平興國宮

敕朕新嗣朕有懷者俊庶幾聞而作興曰盍歸乎來而何遽
以賢勞欲解州組不顧乎具官某材猷出於華學議論近於
前聞蚤陪禁路邁往不群而晚為岳牧又何其豈弟也竟上
儼章將就居里六閣通班莫高於學士殊庭均逸莫便於外
祠中錫命書勉從所欲毋為考槃永矢弗告此朕之所以圖
於卿也可

知成州字文子震知潼川府

敕具官某以吾基閣之臣而淹恤之久僅起為州又絕遠外
此士論所甚鬱鬱也潼於所部為東西蜀地望甚重畀爾州
組庶究爾能益輯外庸嗣有褒異可

新知真州權安節除利州路轉運判官朝奉大夫徐
柝除廣東路轉運判官

敕具官某等夫持節行郡國是為周王入漢部刺史也然周
以下士漢終秩六百石何歟深知此意宜何以圖報乎爾安節
尚懷郡章爾柝嘗有朝蹟會擇遠使僉曰汝堪此周漢意也
安節誠以其惠清江之民者將漕於蜀部柝誠以其惠奉陵
之民者將漕於嶺表調度不煩抑揚無阿是足以歸報矣可

司農寺丞李大異除夔州路轉運判官十月二十日
敕具官某夫持節行郡國是為周王入漢部刺史也然周以

下士漢終秩六百石何歟豈非擇英俊之在下僚者試可之乎爾大異嘗以文藝得雋春官蓋輩學往旌仕而方抱槩修書徒勞州縣之間也晚綴班行又蒙平進若爾者是足以循周漢之制越次而出節矣將漕夔門布宣德音自今以始庸究爾能可

籍田令賈士寅除太學博士十月 日

敕具官某以西州之彥嘗先闔郡策名春官自來造朝風度醞藉東州士樂與群居也猶為籍人未足著見分以橫經之席往哉汝諧可

武學諭黃棗然除武學博士主管架閣文字蔣來叟

除武學諭並十月二日

敕具官某等右學猶左學也朕既妙選庠掌東學之士則右學可以次舉矣以爾褒然晉都講席爾來叟聯教事於其

間經武緯文於穆士論不亦可乎可

知州不畫問除司封郎官淮西提舉張同之轉一

官再任

敕具官某等流政十二著於周官苟非其人是徒法也爾畫問以郡太守同之以州刺史當歲不淑克究爾心使境內無菜色計書來上朕甚嘉之誠得監牧如二人者布之海內吾民其蘇矣乎書勞進秩宜見褒異至如畫問訖事端歸郎省同之善後因任使華朕意攸屬無有內外可

軍器監主簿王恬除司農寺丞將作監主簿劉三傑

除太府寺丞並十月三日

敕具官某等列寺丞非所以見才也以今仕版徒勞州縣蓋未嘗有一日朝蹟者而校數之則是亦足以致身矣爾恬爾三傑非嘗淹恤於州縣者歟頃因 揚薄正二監今以恬丞大

農三傑丞外府豈足見汝才哉尚務靖共以須器使可

主管官告院李孟傳除將作監主簿幹辦諸司糧料
院張震除軍器監主簿

並十月四日

敕具官某等三監於百官事為簡薄正之職於監事益簡有
以好修不務競趨者居之斯不謂稱乎爾孟傳震無以為序
進而不加勉也可

浙西提舉鄭公顯改除湖南提舉

敕具官某漢三互之禁吾本朝莫之行也至士大夫以嫌自
言則亦從欲以便其私爾公顯持蒙內之節風指凜然而以
司憲姻黨雅不欲聯事也懶章來上易汝湖湘姑徇爾懷毋
曰胥遠可

止齋先生文集卷之十七

